

中華郵政特准掛號認爲新聞紙類

中華民國元年九月二十五日

# 新紀元

# 星期日報

第一卷第二期

本期奉贈

## 新紀元星期報徵文例

夫一狐之腋不可以爲煖一雞之蹠不可以爲飽本報同人學識庸闇豈能肩斯鉅任尙冀海內通材不靳鴻篇巨幅光我楮墨茲揭徵文例如左

一論說專件之論題限於臨時約法及將來之憲法與夫現行國會組織法參議院議員選舉法衆議院議員選舉法并省制省官制各草案之批評解釋

二論說專件每首至少要三千字以上

三每一千字酬洋五元字多者以次累加但未登載者恕不奉酬并不附還原稿

四以時評談叢文苑投稿者一經登載送閱本報四期不別爲金錢之報酬

本館廣告

# 新紀元星期報出版廣告

正式國會成立之期即參議院解散之日我神聖莊嚴之大中華民國所有重要問題當於正式國會第一幕而披露製定詳密完美之憲法解決久安長治之大計錫我國利民福胥於國會焉是託是故國會之議員而得其人則內部之統一可期列強之承認有望生聚教訓寬以廿年法美媿隆與天無極假使國會議員猶復荒嬉玩愒而無振作叫囂紛擾而無秩序瞽昧盲昧而無知識卑污淫賤而無道德孤注大局弁髦公理張黨勢搖撼政樞國之亡其無日矣後之視今猶今視昔可不戒哉可不思哉蓋國會非有充實之能力則所謂平民政治徒托空談尤非先有穩健之議員則所謂議院職權僅爭意氣然而選舉國會議員之權操之全國國民議員之良悖為選舉之結果則選舉之得失實為議員之造因我國民而不欲產出良好之國會則亦已耳否則不可不注意於議員之選舉夫箕畢風雨好惡雖各有異同而瓦礫五金抉擇當同此常議況國民選舉議員而即以吾人所最為尊嚴最可寶貴之參政權付託之惡乎其可以買賈然枉己而徇人驅我水深火熱之同胞而悉陷於操刀自殺之境也惟我國數千年君主專制之歷史深印入國民之腦海去年以來共和政體突見於沉沉亞陸之東斯為破天荒之第一次一般國民實無行使選舉權之習慣性譬如逸足脫羈健翮離樊窮走極飛鮮有不迷於所嚮者也至現行約法雖足為將來憲法之藍本然約法不過適用於臨時制定之良不良其害尚小而憲法則實適用於永久制定之良不良其害甚大蓋憲法為國家基本法所有國家統治權之作用胥莫不以憲法為範圍而就中尤以立法權與行政權互相調和為最要者或崎嶇重以行政權而蹂躪立法權則議會將為政府之傀儡固大戾於民主主義之精神反是則以立法權而蹂躪行政權則議院變專制之淫威而政府無活動之餘地束縛之馳驟之俾政府左支右絀以仰承議會之鼻息則斷不能產出強有力之政府以發揮光大我大中華民國之國權數月以來政府常立於杞梓不安之地位而有漂搖震感之虞於是乎內治不得促其進行外交不可期其承認馴至民國國權與政府政權且日趨於薄弱雖現政府之無能力吾人固難為之曲諱然是否約法所生之結果當亦我國民念之而怦然心動者也本報有鑒於此為鼓吹國民慎重選舉并與有識之士研求憲法之豫備起見特於日報之外增設星期報一種准於大中華民國元年九月十八日出版略做叢報體列共分八門除時評大事記文苑叢錄四門外其餘論說法令專件報粹四門均以關係於選舉法及憲法為範圍俟國會成立以後再行斟酌國情變更報例不欲預樹一鵠以眩國民之目標茲揭凡例如左

- 一 名稱 本報附庸於新紀元日報每星期發行一次每期至少六十四面故定名為新紀元星期報
- 二 宗旨 本報於臨時政府期內間專以提倡選舉研究憲法之豫備為宗旨概不涉及其他無關時局之政論學理
- 三 內容 本報分為八門曰論說以發表意見曰法令以昭示成憲曰專件以研精法理曰報粹以採擷羣言曰時評曰大事記曰文苑曰叢錄以益多聞而資消遣
- 四 廣告 本報擬每星期發行十萬分出版以後先送閱四星期普遍海內諒為我全國同胞所歡迎無論國內外大工商實業家暨美術家有欲刊登廣告者本報當取最新奇之廣告方法使之不脛而走先送登廣告四星期至廣告刊例於第一次本報布之
- 五 地址 本館開設北京驛馬市大街果子巷內羊肉胡同

## 注意

如蒙定閱請將左列通知信裁下填書  
台名住址地並請查照底頁價目表將報價一併寄下自當按期寄奉不誤

## 今欲定閱

貴報 份自第 册起至第 册  
止照表奉上報價 元 角 分請按  
期郵寄

查收為感此上

新紀元星期報館

惠鑒

啟 月 日

# 新紀元星期報第二期目次

## ● 論說

選舉略言

(續)

民庸

## ● 時評

論八大政綱

嘯生

## ● 法令 附公文公電

更正衆議院議員各省覆選區表

參議院咨 大總統請將分別決定兩院選舉法上所稱之行政長官轉飭遵照文

參議院咨 大總統請將議決選舉各法立法上條文上之解釋分別辦理等情轉飭遵照文

參議院咨 大總統請將解釋衆議院議員選舉法第九十六九十七兩條暨舊土爾扈特兩

院議員選舉區分別規定理由轉飭遵照文

參議院咨 大總統請將解釋衆議院選舉法第四條各款轉飭遵照文 附單

籌備國會事務局暨各省都督往來電

## ● 專件

籌備國會事務局參考表式之一

籌備國會事務局參考表式之二

## ● 報粹

讀內務部通告全國選舉人文書後

目 錄

目 錄

美國選舉與政黨之借鑒  
選舉之腐敗豫妨法

論衆議院議員選舉資格

國民宜汲汲注意國會選舉

● 大事記

中國大事記

外國大事記

● 文苑

壯哉行

渡洛水二絕

江上憶閔山紆

送友人從軍

譯德國詩人海內 *Heine* 詩集詩人小唱 *Lyrisches Intermezzo* 序 *Trilogie* 一首

北京大學圖書館姚寶名

元 叡

乃 徵

玠 右

前 人

● 談叢

美國總統比較談

許子純軼事

支斯刺利之政界思想

論說

選舉略言(續)

民庸

### 第三章 選舉之立法例

夫應於時代之要求而產出代議制度爲近今文明各國之通有性其代議士所組成之議會不外爲國民意思與利益之反射機關則其機關之構成分子應付諸國民之公選乃當然也至其公選之方法則除投票選舉之外別無他途惟關於投票選舉各國立法例亦不一致茲具述之而論證現行法所採之主義

#### 第一節 普通選舉與制限選舉

普通選舉之名詞驟見之一若舉全國人民不問男女老幼而悉付以選舉權之謂而實際則大不然乃僅於有行爲能力之公民之全部不要其他之財產若學識之條件而概付以選舉權之謂也故雖於採用普通選舉制度之國其選舉人(一)要行爲能力故未成年者禁治產者準禁治產者及妻不有選舉權(二)要公民故受家資分散若破產之宣告者剝奪公權停止公權及受貧民

論說

救助者不有選舉權。斯則存於普通選舉中之制限也。制限選舉者，乃於普通選舉中所要之資格外，更以財產及學識之有無為其人有無選舉權之標準之謂也。此種制限選舉為多數國家所採用。我國眾議院議員選舉

法第四條所規定於要中華民國國籍非中國人無選舉權要男子婦女無選舉權要年滿二十一歲以

上小兒無選舉權要在選舉區域內住居滿一年以上無生活根據于選舉區內之浮浪人若行旅僑寓者無選舉權者之

外尚要有即(一)年納直接稅二元以上者(二)有值五百元以上之不動產者(三)

在小學校以上畢業者(四)有與小學校以上畢業相當之資格者之法定資格之一

則表明其採用制限選舉主義也。但各國於制限選舉中尚有種種細別我

國現行法雖不採用亦姑存而論之以備國民之參考其細別如左

一 複數投票制度 即以選舉人分為數個等級而使其投票之數各各不同之

制度也。比利時國於國會議員之選舉即用此法依該國千八百九十

四年之法律所規定則年滿二十五歲以上之比利時人在同一地方居住一年以

上者每人有投一票之權滿三十五歲以上有婚姻若雖喪妻而有嫡出子且每年

納五佛郎之人稅於國家者及滿二十五歲以上有二千佛郎以上之價格之不動產者又每年取得一百佛郎之地代者各有投二票之權此外則有高等學校之畢業證書及畢業於程度高於中學校之學校者與在定於法律之官職之地位者各有投三票之權然行此制度之結果則中等社會及勞動者把握選舉權之大多數故各國國會議員之選舉無採此制度者僅英吉利匈牙利瑞典之地方議員選舉沿襲此法而已

## 二階級選舉制度

即以選舉人分爲數個階級使隸屬於各階級之選舉人於

各別出一定數之議員之制度也此制度中又可細別爲三

(甲)等族代表制度 即以從歷史之遺傳而有特別權利之等族爲選舉人之階

級之制度也獨逸諸國昔行此制分貴族僧侶市民農民各爲一

階級使之各別而選出議員其後因於人民平等之思想及經濟界之

變動打破等族之階級此制度亦於千八百四十年而廢止矣此種大制度現在仍存

分議員爲大地主市郡及郡都之各團體亦基于歷史之理由未能驟改非認此制度之爲良好也



(乙)財產代表制度 即因於納稅額之多寡以選舉人分爲三級使各級於各別而選出三分之一之議員之制度也。普魯士之選舉法昔用此制於選舉人中合直接國稅之納額最多而當於總稅額三分之一者爲一級又合納額次多而當於總稅額三分之一者爲二級其餘之人則爲三級每級各別而選出議員三分之一此種制度在使國民所享之權利與其所負之義務相應而其結果則往往一級選舉人爲二二三富豪所獨占故多數國家於國會選舉不採此制

(丙)職業代表制度 即因於職業基於其經濟的利益而應於選舉人之職業區分階級使之於各別而選出議員之制度也。獨逸諸儒主張此制最力就中尤以某氏所著「將來之代議制度」一書最爲精詳其論旨之概要略謂欲使獨逸人民之政治的及經濟的或社會的利益反映於議會則假定議員總數爲四百人應以二百人爲政治

的之代表者由郡會縣會及支分國之議會之議員選出之  
其他二百人則爲經濟的或社會的之代表者應由各種之  
職業團體以定數於各別而選出之其各職業團體應選出議員之定數則  
因於職業團體員之總數與職業團體員全部之年收入之  
總額對於職業之國民經濟之價值爲準而定之此種理想  
上之制度一見雖若巧妙然經濟的又社會的之問題同時  
爲政治的問題強生分別實無意義况職業分類尤難確定即使一  
度之精密調查訂定各團體應選議員之數而因於人民之轉業若廢  
業與夫各職業年收入總額之增減卽不得不變更議員之  
定數故於實際此制度萬不能行也

如上所述於制限選舉中又設各種特別制限之方法故學者或統名之爲特別制限  
選舉制度此種制度之特色在使一階級之選舉人雖爲多數不能選出  
超過定數以上之議員他之階級之選舉人雖爲少數猶能選出

定數之議員因而各階級人民之意思與利益可得反映於議會然就中各等族代表制度惟應與其國內等族之存在同其運命逆於現在一般流行之自由平等之思潮職業代表制度本未實行無煩深論惟財產代表制度於地方議會議員之選舉著者認爲適宜之一方法日本市會議員之選舉人分爲三級町村會議員之選舉人分爲二級施行日久未聞流弊吾國將來地方自治之議員選舉法想必有主張採用此制者也

### 第二節 大選舉區與小選舉區

夫議會爲全國之代表者而非代表或地方之利益故在選舉之理想的之方法則應通於全國爲一選舉區而不必別爲選舉區之分割然行選舉者爲有選舉權之國民於國民實行之便利與否極應注意苟以全國爲一選舉區在地域稍大之國絕不能行故無論何國殆無有不分割選舉區者因而有小選舉區制與大選舉區制之別所謂小選舉區者一選舉區各選出議

員一人之謂也。大選舉區者一選舉區選出二以上議員之謂也。兩種制度各有利害學者亦互有主張。從於大選舉區制度而兼採單記投票法時則一方投票集於一人超過不必要之限度而他方有止得二三票亦應當選者現行眾議院議員選舉法即採大選舉區單記投票法而為避上述之弊遂不得有該法

第五十六條「初選以本區應出當選人名額除投票人總數將得數三分之一為當選票額非得票滿額者不得為初選當選人」之規定夫以三分之一為得票數之最少限較之日本止要五分一以上者日本衆議院議員選舉法第七十條已為嚴謹然欲再為引高其限度則該覆選舉區恐無有得定數票而當選者矣依吾國衆議院議員選舉法第七十五條要得票過半數

得為覆選當選人比於初選當選更加一層嚴重法意至善然將來重選舉必有至再至三人以為苦者增識于此以驗吾言是則此種制度違反選舉之本義之點也故反對此制度者其論據曰凡選舉法不可不依於選舉人多數之意見而定當選者此實通於凡之選舉法之根本的之要義也若不依選舉人多數之意見而定却以選舉人中之少數者之投票為有效而定當選者不可不謂為戾於選舉之精神此外則雖於實際上亦有許多弱點即（一）不以投票平均分配

論說


於各候補者之間而或者得不必之多數或者又以得比較之少數而當選(二)得票不集於一地方而依於散在廣汎之區域之各地方之得票而當選則當選者與投票者之間與共通之利害從而不能代表其共通之意見議員雖云代表全國民之利益出代表者即不啻代表全國民之利益也(三)選舉人非真信仰候補者而為投票不過依於一時風評或因得賄賂及其他不正之利益而投票(四)選舉之運動費增加使有為之人士無為候補者之希望從而為議員腐敗之原因(五)補缺選舉之手續極繁重(六)議員與選舉人之關係薄弱無可希冀再選其地位不安固因而不能於充分而發表意思此皆非難大選舉區之理由也然在主張大選舉區而排斥小選舉區者其持論正與前說相反故其言曰為大選舉區制有三三之弱點而欲採用小選舉區制使失選出通於全國之比較的之大人物之機會非得策也苟選舉競爭劇烈時雖於小選舉區亦要多額之運動費其在大選舉區或謂棄權者應多然無確證即使多有棄權者亦可以強制選舉之法挽救之且大選舉區地域廣闊可以不要金錢之力而單以公表政見為其運動之手段若有迎合

多數之民意而發表危險之政見者亦不難以警察之力干涉之也即使於大選區而行補缺選舉爲重煩選舉人或增多選舉費用然欲達選舉之目的費用多寡本非所計且於大區域而行補缺選舉可以得熟察輿論之趨向之機會若厥爲補缺選舉亦不妨豫先舉定補缺議員或用比例選舉法從副記者若候補者名簿順次補缺抑一補救之法也夫議員應以國家之利害爲本位而盡其職責非爲選舉區之代表者又選舉人應以選出衆望所歸之人爲目的非爲使被選舉人固着於特別之地盤則反對論所謂當選者與投票者之間缺於共通之利害及相互之關係薄弱云者皆非適合於選舉之目的可毋深辯者也至於選舉人對於被選舉人乏於自覺性有時未免盲從斯又大選舉區與小選舉區共通之弱點矣以上兩說相持不決持前說以日本美濃部博士爲代表持後說者以清水博士爲代表

見明治四十五年法學新報第二十二卷第四號 皆能言之有故持之成理吾人姑不爲絕對的判決然政黨爲代議制度之產兒代議制度之下必發生各派之政黨若用大選區則當

論 說

選人必為大政黨所壟斷而小政黨可至不能得一當選人是則大選舉區不可逃之弊也茲為圖以明之



如圖先分為三大選舉區。甲政黨皆占多數。乙丙丁小政黨之選舉競爭必全失敗。若剖分為六小區。則甲政黨雖占三區之全勢力。而於乙丙兩黨之區。甲政黨反居少數。則乙丙亦可勝利矣。

(未完)

時評

論八大政綱

(曠生)

袁總統之提出

孫黃二君之協助

黎副總統之贊成

昔德相俾士麥公爲世界著名政治大家而不認有政治學故語人曰政治術也惡所謂學其說雖有陷於偏端之處而實則執行家與討論家必常異其軌步者也今者袁總統提出八大政綱得孫黃同意黎副總統又自武昌電表贊成故爲過去之批評袁爲主動黎孫黃爲被動而爲未來之希望則袁黎孫黃同治於一鑪立國確定方針排除形式共和之障礙而發據其真實之精神所以惠我元元於無訖者蓋不在於空疎之高論淵乎盛哉此吾人疇昔禱祝而中夜以思於四大人豪勿徒以共和之形式裝飾吾民國者殆將達其所懷矣

中國自廢封建純爲單一國家者二千有餘年已去年武漢首義而南北分治聯邦制

時評

一



度之聲令人眩心駭目者至於今而隱有其危險如第一條（立國取統一制度）之主旨非以便強幹弱枝之謀而實以利中央之控馭抱定國家主義而後成爲民族的國家力弭分崩離析之禍而人有對世之觀念何慮村落政治復見於泮泮神州也哉

是非善惡本無固定標準故曰桀之犬可使吠堯然所以使民共由者必有道德法律爲範圍也今世民彝物則一也殆盡而第二條（主持是非善惡之真公道以正民俗）所主持者頗偏於宗教上之膚論然特自抽象言之耳若從具體而言則一方國家以教育司法警察爲培成一方人民以議會著書輿論爲輔助而喚起其社會之名譽心必各有唯一之天職要在四大人豪身爲天下先而不負其爲表率也

且兵猶火也不戢將自焚乃者驕兵悍卒時聞譁變而四邊之烽火無復有奉丈一之櫻繫單于之頸者烏合之衆不可一戰也而窺其原常在於軍官之不敷分配故第三條（暫時收束武備先儲海陸軍人才）之要義欲爲太平之弭兵

必為平時之教戰。昔楚莊王日討軍實，訓其國人，以禍至無日者，處於國際競爭劇烈之世，將以不戰而屈人之兵，顧海陸軍兩部力行何如也。

二十世紀之國民經濟政策，不限於四境之內，而必吸收於領域之外。第四條（開放門戶輸入外資與辦鐵路、礦山、建置鋼鐵工廠以厚民生）即針對近世之注重商戰、視兵戰為尤力，而其歸宿則集合國家與社會而為一主義也。造成獨占之價格而收特殊之利益，鐵路、礦山、工廠各有國家專辦，國民公辦之共通性質，是必政府劃定界限而後可免於前清坐亡其國之痛苦。與歐美鋼鐵大王脫辣司之專橫，此其最要利害關係問題，而外資之輸入則尤宜以不喪失主權為本也。

亞洲嚮為農業之國，逮於環瀛交通而已趨重於工商主義，然不能挾其出產與他國競者，器機之不發明而純視人力之勤惰為灌溉製造之巧拙，而又不得國家之保護獎勵也。第五條（提倡資助國民實業，先著手於農工商）既可誘起國民之企業心，并可扶持國民之團結力，生產事業

之膨脹而以最低率之價格轉換最高率之實益而又豈獨資本之集中仍不奪於豪強之兼併矣哉

國家行使主權非盡對外強弱之勢殊而亦對內分合之力異故第六條（軍事外交財政司法交通皆取中央集權主義其餘斟酌各省情形兼採地方分權主義）卽第一條支配之實力也集權分權之真諦蓋在劃清中央與地方之領域而大一統之國家常必保留一部之權力於地方且明定於憲法中者國家爲有機體中央譬猶主腦地方則其手足耳苟其反於此例則內重者必奪於羅馬中世之專制即外強者又傾於希臘古代之分裂而滅亡隨之矣

個人萬事非財不理國家者各個人之結合體也第七條（迅速整理財政）之根本必須有系統的財政始能符於收支適合之原則而所謂有系統者固在於租稅制度同時又在於徵收機關否則國家稅與地方稅之分劃不過空立一標準而已此則（一）宜力杜中飽（二）宜刷清

積弊而稅關其最先入手者也

近世國家政治之中心純依政黨之良惡爲轉移第八條（調和黨見維持秩序爲承認之根本）雖分爲兩事而實則一體今日各黨艷心權利違害公衆之安寧固有主從之區別而先既不能自爲承認希望列邦之承認其結果卒不如其所期今黎孫黃同爲黨魁則求全責備必由二人不惜一己之犧牲而力謀全國之幸福始能日新而有功而袁雖超然於黨外更不能獨守中立而弗因勢利導也

夫執右列之八條而合觀其通爲內政之統籌并爲外交之豫備何者自古攘外未有不自安內始也繼自今觀聽一新必使遐邇者踵武悉聽者風聲而與列強携手同盟於大陸之上且執其牛耳而爲之謀主惟視四大人豪有實行之定力實施其政治術而不落於政治學之詮言斯爲得之矣顧說者猶以爲與其命名爲政綱不如易稱爲政策此又無庸也蓋政策爲變遷的而政綱爲包容的無論時勢之如何奔趨皆不能越其綱羅然後可以長治而久安

時 評

故政綱者非一時之執行條件也必持目睫以眇論而偷旦夕之功其如國勢遷流無極何

六

# 法令

附公文公電

## ▲更正衆議院議員各省覆選區表

### 直隸省

第二區 豐潤縣之下灤平縣之上補列承德府圍場廳之下建昌縣之上補列朝陽府  
原列之綏來縣改作綏東縣

### 江蘇省

第二區 吳縣下括弧內舊長洲元和吳三縣下加入太湖靖湖兩廳六字  
原列之鎮洋縣三字刪

太倉縣下括弧內舊太倉州下加入鎮洋縣三字

### 江西省

第四區 原列之上栗縣三字刪

萍鄉縣下加一注舊萍鄉上栗兩縣七字

### 湖南省

第五區 永順縣之下龍山縣之上補列 五丈坪廳

### 甘肅省

第二區 靜寧州之上補列 平涼縣

### 四川省

第一區 彭山縣之上補列 茂州 汶川縣 理番廳 懋功廳

法令

法令

二

第五區 安岳縣之下補列 東安縣

第六區 原列之茂州汶川縣理番廳懋功廳刪

第七區 鹽源縣之下會理州之上補列 昭覺縣

廣東省

第一區 新安縣之下補列 赤溪廳

第三區 平遠縣之下補列 南澳廳

第四區 連山廳之下補列 佛岡廳

廣西省

第三區 龍勝縣之下平樂府之上補列 中渡縣

永安縣之下補列 信都縣 鍾山縣

原列之義中縣改作義寧縣

第五區 恩陽縣之下補列 鎮安府 奉議縣

奉議縣下旁注附上映向武都康七字

第六區 明江縣之下旁注暨太平府所轄各土司之上補列 憑祥縣

▲參議院咨 大總統請將分別決定兩院選舉法上所稱之行政長官轉飭遵照文

八月三十一日准咨開據國務院呈稱據籌備國會事務局呈稱參議院選舉法第二十三條載選舉監督以各該省行政長官充之衆議院議員選舉法第十三條載各省設選舉總監督以該省行政長官充之各等語查各省官制尙未頒行而議員選舉亟須舉辦各選舉法所稱行政長官界限

既不分明權責即無一定現設各省都督爲掌理軍事之官若以之充選舉監督及選舉總監督則國會議員之選舉幾若納之於軍事範圍不惟名義涉於紛歧抑且事實轉虞窒碍自非別就管理一省民政之官使充選舉各監督於法理必多不符惟各省現在情形有已於都督之外特設民政長者有僅於都督之下分設民政司長等官者究竟民國第一次正式國會選舉應否以各省現設之民政長或民政司長充參議院議員選舉之選舉監督及衆議院議員選舉之選舉總監督或應以各省現設之都督充之法律上雖無明文而立法者之意思當有一定解釋應呈請 大總統諮詢參議院從速決定答覆以便呈請任命各該省選舉監督及選舉總監督用示中央政府慎重正式國會選舉之意等因相應咨行貴院查照議決見覆可也等因到院經於九月初九日常會提出討論僉以參議院選舉法第二十三條暨衆議院選舉法第十三條所稱各省行政長官於省制未經頒布以前凡各省有於都督外特設民政長者其民政長即爲選舉法上所稱之行政長官其未經特設民政長但於都督之下分設民政司長者應以都督爲選舉法上所稱之行政長官經公衆議決爲此咨請 大總統查照希即轉飭遵照可也此咨

中華民國元年九月初十日

參議院咨 大總統請將議決選舉各法立法上條文上之解釋分別辦理等情轉飭遵照文九月初一日准咨開據國務院呈稱准內務部咨稱據籌備國會事務局呈稱國會組織法參議院議員選舉法衆議院議員選舉法業經公布並分別電達邊遠省分各在案查國會選舉在民國既屬初辦而法定期限又未便任意逾延所有各項選舉法規條緒紛繁設辦理選舉人員認爲確有疑義自須分別解釋以便施行第查選舉各法係由參議院提案自非依立法者之意思爲解釋無

法 令

三



以杜紛歧惟各省地方遼闊辦理選舉各人員將來因有疑義而聲請解釋者勢必文電交馳若不揆事理之重輕一一悉待院決竊恐文書往復遲誤堪虞擬請嗣後關於立法上之解釋隨時諮詢參議院關於條文上之解釋逕由本局辦理各該選舉監督及選舉總監督遇有選舉各法之疑義一切文電均逕達本局由本局分別核辦應請諮詢參議院者隨時由局呈內務總長呈請諮詢以期直捷以上各節應呈請 大總統諮詢參議院從速決定答覆等因相應咨行貴院查照議決見復可也等因到院經於九月初九日常會提出討論僉以來咨所稱嗣後關於立法上之解釋隨時諮詢參議院關於條文上之解釋逕由籌備國會事務局辦理各該選舉監督及選舉總監督遇有選舉各法之疑義一切文電均逕達籌備國會事務局由該局分別核辦各節均係為行政上便利起見應即照來咨辦理經公衆議決為此咨覆 大總統查照希即轉飭遵照可也此咨  
中華民國元年九月初十日

參議院咨 大總統請將解釋衆議院議員選舉法第九十六九十七兩條暨舊土爾扈特兩院議員選舉區分別規定理由轉飭遵照文

九月初三日准咨開據國務院呈稱奉 大總統發下內務總長呈稱據籌備國會事務局呈稱衆議院議員選舉法蒙古西藏青海議員之選舉章內第九十七條載選舉監督以各該選舉區之行政長官充之等語查蒙古西藏青海各地方行政長官尙無新定官制可循自應就現設各將軍都統參贊辦事長官等分別充任惟蒙盟各部原設長官所管區域既各不同有一盟而兼屬數長官者有一長官而兼轄數盟者且現在邊陲多事與平靜地方情形不同若非審奪情形將應設各選舉監督分別專充會充殊不足以專責成而資董率擬以奉天民政司或奉天都督充哲里木盟選

舉監督以熱河都統充卓索圖盟昭烏達盟選舉監督以察哈爾都統充錫林郭勒盟選舉監督以綏遠城將軍充烏蘭察布盟伊克昭盟選舉監督以甘肅民政司或甘肅都督充阿拉善額濟納選舉監督以烏里雅蘇台將軍充土謝圖汗部車臣汗部三音諾顏部扎薩克圖汗部及唐努烏梁海選舉監督以科布多參贊阿爾泰辦事長官新疆民政司或新疆都督會充科布多之杜爾伯特札哈沁明阿特額魯特及阿爾泰山之新土爾扈特新和碩特阿爾泰山烏梁海哈薩克並舊土爾扈特選舉監督以西藏辦事長官充前藏後藏選舉監督以青海辦事長官充青海選舉監督其各該盟長暨本管各地之行政長官即由該選舉監督分別依法令其辦理再查衆議院議員選舉法第九十六條載烏梁海議員額二名等語查烏梁海既有唐努烏梁海及阿爾泰山烏梁海兩處本條所稱烏梁海是否專指唐努烏梁海抑或兼指唐努烏梁海阿爾泰山烏梁海而言如係專指唐努烏梁海則阿爾泰山烏梁海究應作何辦法如係兼指兩烏梁海所有額定議員二名可否各選一名俾免窒礙又參議院議員選舉法科布多之下有及舊土爾扈特字樣而衆議院議員選舉法則未列有舊土爾扈特之名是否法文尙有脫漏以上法定選舉監督及法定議員名額依法者之意思爲解釋究竟應否如此辦理應呈請諮詢參議院從速決定答覆以便分令遵辦等因相應咨行貴院查照議決見覆可也等因到院經於九月初九日常會提出討論會以來咨所稱蒙古西藏青海各地方應設各選舉監督分別專充會充一節但與本院此次解釋選舉法所稱行政長官一案不相牴觸於行政上復多便利政府自可審奪各該地方情形分別照辦至衆議院議員選舉法第九十六條載烏梁海議員額二名所稱烏梁海者本兼唐努烏梁海及阿爾泰山烏梁海兩處而皆所有額定議員二名應由唐努烏梁海阿爾泰山烏梁海兩處各選出一名又參議院議員選舉

法 令

五

法科布多之下有及舊土爾扈特字樣而衆議院議員選舉法未列舊土爾扈特之名者係因參議院蒙古議員可由蒙古王公世爵選出故以蒙古原有部落爲選舉區若衆議院蒙古議員則應由蒙古人民選出舊土爾扈特地方本隸屬新疆行省之內卽其選舉區亦當然包括於新疆行省各選舉區之內故無庸另行提出並非法文尙有脫漏以上各節均經公衆議決爲此咨請 大總統查照希卽轉飭遵照可也此咨

中華民國元年九月初十日

參議院咨 大總統請將解釋衆議院選舉法第四條各款轉飭遵照文附單

九月初六日准咨開據內務總長呈稱據籌備國會事務局呈稱國會組織法及兩院議員選舉法所有解釋辦法業經呈請諮詢參議院從速決定答覆在案現在選舉程限爲日甚促迭據各省紛紛電詢除條文上之解釋業由本局分別答覆外凡關於立法上之解釋自應查照前案辦理所有應請參議院解釋各條茲特另單開列應呈請 大總統諮詢參議院迅速決定答覆以憑辦理等情呈請前來相應諮詢參議院從速答覆可也等因到院經於初九初十等日常會提出討論茲將解釋各款另單開列咨請 大總統查照希卽轉飭遵照可也此咨

中華民國元年九月初十日

茲將解釋衆議院議員選舉法第四條各款開列如左

計開

- 一第一款所載直接稅之種類以地丁漕糧爲限
- 二第二款所載不動產之範圍無論所有權及抵當權皆包含在內船舶亦以不動產論

三四款所載與小學校以上畢業相當之資格之種類如前清生員以上及畢業於六個月以上之各傳習講習研究等所簡易速成預備等科并曾在小學以上學校充當教員一年以上者皆是但體操教員不在此限

湖北都督民政長致國務院內務部籌備國會事務局電

國務院內務部籌備國會事務局鈞鑒國會選舉事繁期促亟應遵照疊次電令趕速籌辦鄂省於九月初四日在民政府內附設籌辦議員選舉事務處遴派委員長暨參事各員專辦選舉事宜由心源隨時督率期赴事機除將內務部陷艷兩電分別登報并電飭各屬一體遵照依次趕辦外合先電聞鄂都督黎元洪民政長劉心源叩支印

籌備國會事務局覆湖北都督民政長電

武昌都督民政長鑒支電悉籌辦議員選舉事務處希查照覆黑龍江都督電辦理籌備國會事務局魚印

奉天都督致籌備國會事務局電

籌備國會事務局鑒選舉法疑義其解釋權是否屬於貴局抑由各省總監督行之現有公的解釋書否統盼詳覆爾異支印

籌備國會事務局覆奉天都督電

奉天都督鑒支電悉關於選舉法認爲確有疑義者請即電達本局由本局分別辦理至公的解釋現無成書嗣後但有一省電請解釋者解釋後當即通電各省查照籌備國會事務局魚印

籌備國會事務局致各省都督電

法 令

直隸吉林黑龍江江蘇安徽江西浙江福建湖北湖南山東河南山西陝西甘肅新疆四川廣東廣西雲南貴州各都督鑒據奉天都督支電稱選舉法疑義其解釋權是否屬於貴局現有公的解釋書否等語查關於選舉法各省如認為確有疑義者即電達本局由本局分別辦理至公的解釋現無成書嗣後但有一省電請解釋者解釋後當即通電各省查照除電復外合電達籌備國會事務局魚印

內務總長致各省都督電

二十二行省各都督鈞鑒省議會議員選舉法現在業經公布除另電通行外所有省議會議員選舉法所定選舉人資格僅現任行政官吏及巡警以本省為限其餘均與眾議院議員選舉法相同請飭各初選監督合併調查惟須分別造冊仍遵前次電令同於十月初十日以前一律告成希由專電專差分飭遵照內務總長虞印

內務總長致各省都督電

二十二行省各都督鑒奉 大總統令據滿族同進會呈稱查臨時約法載中華民國人民一律平等無種族階級宗教之區別國會組織法規定眾議院以各地方人民所選舉之議員組織之等語是旗人應享有選舉權及被選舉權並於眾議院當然入選擬請明發命令通告各地方行政長官於眾議院議員選舉將各地方住在之旗人一律調查入選以維法律而昭大同等情查眾議院議員選舉法規定有中華民國國籍之男子凡具法定資格者均有選舉權及被選舉權旗人男子同為中華民國民此項權利當然平等原呈所稱旗人久隸旗籍與地方向稱隔閡誠恐遺漏調查各節未免涉於過慮既據呈請前來應由內務總長通電各省行政長官迅飭各該初選監督於調查選

舉人名時無論是何旗籍但係住居各該初選區地方滿二年以上而具有法定資格之一者一律調查入冊不得遺漏用示五族共和之至意此令等因合電聞內務總長虞印

籌備國會事務局致各省都督電

各省都督鑒山東都督電請解釋選舉法各節除應諮詢參議院者俟答覆後再行電達外來電所稱褫奪公權犯係公罪事在大赦以前者得因赦復權否等語查大赦以前犯罪並無剝奪公權之刑且既應赦免所犯不問公私自無待於復權其在新刑律施行後犯罪者奪權復權應依新刑律規定辦理又稱各學校是否包有講習傳習各所肄業生是否包有校外聽講者在內等語查法稱各學校自係指小學校中學校高等學校大學校而言法稱肄業生自係指在校肄業者而言其講習傳習各所及校外聽講之未列入肄業生名籍者當然不在其內又稱蓄娼營業向爲社會所輕應否特別限制等語查臨時約法人民一律平等並無階級之別選舉法亦無對於何種營業有特別限制之條所有選舉人資格自應仍按本法第四條及第六第七各條辦理除電覆外合電達希迅飭遵籌備國會事務局虞印

山東都督致籌備國會事務局電

籌備國會事務局鑒山東現正設立國會籌辦事務所辦理調查事宜選民資格有疑義數條列左一直接稅請列舉種類以定範圍二小學校以上畢業相當之資格標準若何從前有生員以上之資格及曾任實缺職官者爲合格否三褫奪公權犯係公罪事在大赦以前者得具赦復權否四現在行政司法各衙署充當委員書役及各學堂職員各地方教官是否爲現任官吏五其他宗教師是否以回教耶蘇天主現司教務者爲限六各學校是否包有講習傳習各所肄業生是否包有校

外聽講者在內七辦理選舉人員如在省城及各州縣擔任籌備及調查各事者亦在內否再蓄娼營業向爲社會所輕應否特別限制以上各節希速解釋電覆以便調查山東都督周自齊歌

籌備國會事務局覆山東都督電

山東都督鑒歌電悉第一二四五六七各項現諮詢參議院俟答覆再行電達外一觀奪公權一項查大赦以前犯罪並無剝奪公權之刑且既應赦免所犯不問公私自無待於復權其在新刑律施行後犯罪者奪權復權應依新刑律規定辦理一各學校肄業生一項查法稱各學校自係指小學校中學校高等學校大學校而言法稱肄業生自係指在校肄業者而言其講習傳習各所及校外聽講之未列入肄業生名籍者當然不在其內一蓄娼營業一項查臨時約法人民一律平等並無階級之別選舉法亦無對於何種營業有特別限制之條所有選舉人資格仍按本法第四條及第六第七各條辦理此覆籌備國會事務局處印

湖北民政長致籌備國會事務局電

籌備國會事務局鑒衆議院議員選舉法第四條第一款所定之直接稅除田賦外是否尙有他項稅目在內第四款之相當資格是否指前清廩增附以上科名官職而言其文童塾師與通曉文義者是否亦在其列第六條一二兩款其情事確定如在民國成立以前者應否適用第七條第二款現任官吏區別以何爲標準刻下省官制尙未頒布凡在各司廳局處所及各府縣署內分科辦事人員多非正式委任是否均以現任官吏論乞電示遵行再查第三十九條四十條六十三條所載投票紙投票甌當選證書各有定式並乞迅予頒發以便進行鄂民政長劉歌印

籌備國會事務局覆湖北民政長電

武昌劉民政長鑒歌電悉衆議院議員選舉法第四條第一款第四款第七條第二款業諮詢參議院俟答覆後再行電達其第六條第一二款情事請查照覆山東都督魚電覆吉林都督徵電辦理至各項定式業經擬定不日當連同選舉法施行細則頒行此覆籌備國會事務局虞印

內務總長致四川等十省都督電

四川雲南貴州廣東廣西陝西甘肅新疆福建湖南各都督鑒省議會議員選舉法業於九月初四日公布除刷印通行外合將全文電達希迅摘要由電分飭各初選監督遵照仍一面由省翻印全文轉行以期捷速此達

計開

省議會議員選舉法第一章總則第一條云云內務總長虞印

內務總長致直隸等十二省都督電

直隸奉天河南山東山西湖北江蘇安徽江西浙江吉林黑龍江各都督鑒省議會議員選舉法業經公布並刷印通行在案希迅摘要由電分飭各初選監督遵照此達內務總長虞印

內務總長致各省都督蒙古西藏青海行政辦事長官電

二十二行省各都督蒙古西藏青海行政辦事長官鑒衆議院議員選舉日期令業於微日奉大總統以教令公布合將全文電達希迅飭各初選監督遵照第一條各省及蒙古西藏青海議員選舉日期均依本令行之前項規定遇有必要情形得由初選監督或本管地方行政長官呈報選舉總監督或選舉監督酌量延期但至長以十日爲限選舉總監督或選舉監督決定延期後呈報於內務部第二條初選舉於中華民國元年十二月初十日舉行第三條覆選舉於中華民國



國二年正月初十日舉行第四條籌備日期與選舉日期有關係者以內務部令定之第五條本令自公布日施行內務總長虞印

廣東都督致內務總長電

內務部趙總長鑒微電敬悉廣州市選舉事宜即當遵照併入原日縣區辦理惟參議院議決粵省覆選區表原有之佛岡廳赤溪廳南澳廳三處均未言及究應咨請加入抑或援照第十條規定皆以縣論如何之處統祈核奪並盼速覆粵都督胡漢民叩麻印

內務總長覆廣東都督電

廣東都督鑒麻電悉所詢覆選區原表內遺漏佛岡赤溪南澳三廳已呈請 大總統諮詢參議院從速議定俟得答覆即行電達若議定加入自應均以縣論特此先覆內務總長青印

長沙籌備國會事務處致籌備國會事務局電

籌備國會事務局鑒衆議院議員選舉法第四條選舉區似應以初選區爲限直接稅完納地不動產所在地有無限制何等資格方與小學校以上畢業相當第七條徵調期間應爲退伍後若干年官吏二字似應以服務於官制上有統系之衙署者爲限又吏字限於何等人員以上至盼詳核速覆以便遵行湖南籌備國會事務處魚印

籌備國會事務局覆湖南都督電

湖南都督鑒魚電悉選舉區應以初選區爲限納稅及不動產可不限於本區但仍以在國內而又可以證明者爲限至與小學校相當資格官吏範圍及徵調期間應俟諮詢參議院並行查陸軍部再行電覆籌備國會事務局青印

江蘇都督致籌備國會事務局電

籌備國會事務局鑒東電奉詢直接稅種類及小學以上畢業相當標準並更正覆選區表各節尙未奉覆現正著手調查選舉人資格請速電示以便轉飭遵行盼切程德全青印

籌備國會事務局覆江蘇都督電

南京程都督鑒青電悉東電所詢各節已於微日電覆在案參議院今日甫決定俟答復文到即電達籌備國會事務局灰印

奉天都督致籌備國會事務局電

籌備國會事務局鑒選舉法所稱直接稅是否以納入國庫者爲限抑并地方各項稅捐在內又商舖資本可否准作不動產均請覆異佳印

籌備國會事務局覆奉天都督電

奉天都督鑒佳電悉所詢二款參議院今日甫決定俟答覆文到即電達此覆籌備國會事務局灰印

吉林都督致籌備國會事務局電

籌備國會事務局鑒奉大總統支電省議會議員選舉法業已公布應請先將選舉資格卽行電示其東電所請解釋各問題亦請速行答覆又衆議院議員選舉法第四條二項父子兄弟叔姪共有不動產值三千元又無他項資格應否子爲父掩兄弟叔姪各有一權第三項是否兼初高兩等第四項自治研究所官紳研究所一年師範二年校外巡警簡易科等畢業是否可作爲相當資格統希先行電示陳昭常虞印

法 令

十四

籌備國會事務局覆吉林都督電

吉林都督鑒虞電悉選舉法第四條第四款資格業經諮詢參議院俟得覆後即電達至第二款資格父子兄弟叔姪共有不動產值三千元在編製選舉人名冊以前不動產尙未分析則只管有不動產之名義者一人有選舉權若在名冊編製以前所有不動產確已分析但有書件爲憑不問父子兄弟叔姪得分別計算各以有值五百元以上之不動產者爲限均各有一選舉權其第三款資格自應包括初等在內除通電外特電覆籌備國會事務局灰印

籌備國會事務局致各省都督電

各省都督鑒據吉林都督虞電稱選舉法第四條第二款父子兄弟叔姪共有不動產值三千元又無他項資格應否子爲父掩兄弟叔姪各有一權等語查在編製選舉人名冊以前不動產尙未分析則只管有不動產之名義者一人有選舉權若在名冊編製以前所有不動產確已分析但有書件爲憑不問父子兄弟叔姪得分別計算各以有值五百元以上之不動產者爲限均各有一選舉權又稱第三款是否兼初高兩等一節查此款自應包括初等在內除電覆外合電達希迅飭遵籌備國會事務局灰印

安徽都督致內務部電

內務部鈞鑒前准國務院電稱國會選舉辦理在即必省議會先期成立參議院議員乃能選出此係一定手續政府現由草定法案各省正式議會限於本年十月內必須召集議員選舉法亦同時交議不日決議公布等語又准鈞部電稱各省省議會選出參議院議員每省十名等因查國會組織爲期甚迫省議會限於十月內成立迄今爲時無幾務請鈞部速將省議會議員選舉法及覆選

舉區域即日頒布以便通電各屬妥速辦理如期成立事關重要用特電請示覆為禱安徽都督柏陽印

內務總長覆安徽都督電

安徽都督鑒陽電悉省議會選舉法業已公布於虞日電達其覆選區域俟參議院議定頒布再行電告內務總長真印

浙江都督致籌備國會事務局電

籌備國會事務局鑒衆議院選舉法第四條年滿云者以日計抑以月計直接稅及與小學校以上畢業相當之資格在以何者為標準第五條被選舉為衆議院議員凡在該覆選區外及外省人可否被選第九條停止被選舉權凡調查員應否停止及辦理選舉人員初選當選應否停止再者退伍兵受年金者停止選舉權否諸希電覆為盼浙江都督朱瑞陽印

浙江都督呈 大總統暨致國務院等電

大總統國務院內務部籌備國會事務局鈞鑒鈞部豔電及陷電通告敬悉當即轉電各初選監督從速籌辦並將章程分刻寄發查章程內載以本省行政長官為選舉總監督而辦理選舉事宜仍以民政司為主管方利進行現在已令民政司迅為籌備派員惟近日浙省溫處等屬迭報水災交通梗阻能否立即著手調查殊難逆料已飛飭被災各區妥為設法趕辦期無貽誤至省城辦理選舉事宜必須指定地點現經督同民政司暫於司署派員籌辦照章應支公費等項另行籌報謹將辦理情形先行電陳浙江都督朱瑞叩庚印

籌備國會事務局覆浙江都督電二則

法令

法 令

十六

浙江都督鑒陽電悉直接稅與小學校以上畢業相當之資格業諮詢參議院俟答覆文到即電達至住居滿二年以上希查照覆吉林都督徵電辦理第五條衆議院議員法文既無制限不分本省外省但凡有中華民國國籍之男子當然有被選舉權第九條所指辦理選舉人員以選舉法第二節所明定者爲限調查委員不在內其辦理選舉人員之應停止被選舉權者無論初選覆選應一律停止其退伍兵若在徵調期間內雖未受年金亦應停止如徵調期滿即受年金亦不在此限至徵調期間如何計算須按現行法規辦理已行查陸軍部俟得覆再電達籌備國會事務局眞印浙江都督鑒庚電悉選舉總監督問題昨經參議院決定另有畫一辦法續再電達籌備國會事務局灰印

籌備國會事務局致各省都督電

各省都督鑒據浙江都督陽電稱第五條被選舉爲衆議院議員凡在該覆選區外及外省人可否被選等語查衆議院議員法文既無制限不分本省外省但凡有中華民國國籍之男子當然有被選舉權又稱第九條停止被選舉權凡調查員應否停止及辦理選舉人員初選當選應否停止等語查第九條所指辦理選舉人員以選舉法第二節所明定者爲限調查委員不在內其辦理選舉人員之應停止被選舉權者無論初選覆選應一律停止又稱退伍兵受年金者停止選舉權否等語查退伍兵若在徵調期間內雖未受年金亦應停止如徵調期滿即受年金亦不在此限至徵調期間如何計算須按現行法規辦理已行查陸軍部俟得覆再電達除電覆外特通電籌備國會事務局眞印

湖南都督致內務總長電

內務部鑒微電敬悉湖南籌備國會選舉事務處並附設籌備省會事務處業於支日成立電報在案此係暫時設立并非法定機關無關統一當此籌備急迫之時必違示變更殊礙進行今乞准如前辦理湖南都督譚庚印

內務總長覆湖南都督電

湖南都督鑒庚電悉設處所在湘省不過一更定名稱之煩而於全國統一辦法所關實大且改處爲所一切籌備事務仍可照常通行似無妨礙務望查照通電辦理內務總長眞印

湖南籌備國會選舉事務處致籌備國會事務局電三則

籌備國會事務局鑒衆議院議員選舉法第五十四條記載二字下選舉二字上當是脫一被字乞速覆湖南籌備國會選舉事務處眞印

籌備國會事務局鑒衆議院議員選舉法第四條直接稅解爲直接國稅并按本省情形以錢糧蘆課魚課當之是否有當乞并魚電請示各節一律電覆湖南籌備國會選舉事務處庚印

籌備國會事務局鑒衆議院議員選舉法第四條住居二字嚴解則爲有住所寬解則爲有居所宜何適從乞電覆湖南籌備國會選舉事務處青印

籌備國會事務局覆湖南籌備國會選舉事務所電三則

湖南籌備國會選舉事務所鑒庚電悉本局前亦檢閱條文疑脫被字當由政府函詢參議院俟得覆即電聞此覆籌備國會事務局眞印

湖南籌備國會選舉事務所鑒庚電悉直接稅之解釋業諮詢參議院俟答覆再電聞魚電已另覆矣籌備國會事務局眞印

湖南籌備國會選舉事務所鑒青電悉住居二字不關係住所或居所均應計算年限希查照覆吉  
林都督微電辦理此覆籌備國會事務局真印

河南都督致籌備國會事務局電

籌備國會事務局鑒查衆議院選舉法選舉人資格疑義應請解釋如下一例如住居滿二年以上在甲區而納稅或不動產資格在乙區又如在甲省住居滿二年以上而在乙省有納稅或不動產資格其投票應在何域二年納直接稅是否專指田賦抑并包括各稅在內如包括各稅則年無確數應以何爲標準三小學校以上畢業是否兼初等小學初等農工商學堂陸軍小學在內如藝徒學堂師範傳習所教育講習科法政簡易科巡警教練所實業教員講習所各種畢業得有文憑者及曾授檢定得有憑照之中文教習或並未經入小學校而曾肄業中學校一二學期以上得有修業證書者又如有前清生員以上之出身是否均可作爲有相當資格或另有其他相當之資格應以何爲標準四例如一家之中家長個人有學校畢業或畢業相當資格可否將其納稅或不動產資格作爲其年歲合格之弟姪子孫之選舉權又如家長犯第六條情事或適當第七條停止選舉權時可否將納稅或不動產資格作爲其年歲合格之弟姪子孫之選舉權均請解釋示覆汴都督張鎮芳庚印

籌備國會事務局覆河南都督電

河南都督鑒庚電悉直接稅一欸業諮詢參議院今日甫決定俟答覆文到再電達其住居納稅資格如本人確係在本選舉區繼續住居滿二年以上而納稅或不動產雖在他區他省仍於現在繼續住居之選舉區有選舉權其畢業資格應包括初等小學初等農工商學堂陸軍小學在內至相

當資格各節業諮詢參議院今日甫決定俟答覆文到再電達其一家之中現有家長而弟姪子孫欲以納稅或有不動產之資格而行使選舉權者須以在選舉人名冊未編製以前確係以該弟姪子孫之本人名義納稅或其不動產業已分析於各該弟姪子孫而各有直五百元以上者爲限否則仍只該家長之本人有選舉權如家長與弟姪子孫於納稅及不動產未分析以前家長犯有第六條情事或適當第七條等欺家長當然不得有選舉權其年歲合格之弟姪子孫須按照上開辦法辦理此覆籌備國會事務局灰印

甘肅都督致籌備國會事務局電二則

籌備國會事務局鑒魚日奉內務總長暨電敬悉種切國會選舉關係重要自應提前趕辦敝處支日奉內務總長養電並收到八月十一日公報當即設立籌備選舉事務所遴委委員認真經理并將各項法令迅速排印通行茲奉監電復將衆議院議員選舉法擇要電行各初選區遵辦惟此間轉境廣闊交通阻滯南北各區全不通電東西各區通電者亦居少數刻惟竭力從事以不誤選舉及召集期爲目的至調查選舉人名冊限於十月初十日以前造成以敝處接電之日計之爲期不及四旬手續繁難程途遼遠萬難辦到惟有勉圖進行而已趙惟熙叩陽印

籌備國會事務局鑒按照衆議院議員選舉法第五條得被選舉權者是否包有旅居甘肅二年以上之外省人在內第六條第一款所云是否該括前清革職人員在內第七條第一款所云是否該括滿營兵丁在內如滿人而未列軍籍者是否與漢人一律有選舉及被選舉權均乞電示惟照叩佳印

籌備國會事務局覆甘肅都督電

法令



法 令

二十

甘肅都督鑒佳電悉查第五條被選舉資格但以是否有中華民國國籍是否男子是否年滿二十五歲以上者爲限不問本省或外省人均在其內第六條第一款新刑律未施行以前並無褫奪公權利名前清革職人員若具有他項資格與法定條件相合者自不在內第七條第一款現役陸海軍人係指按照陸海軍編製而有現役者而言若滿營兵丁雖現經食餉而現不充役者仍以普通駐防旗人論應遵魚電所奉 大總統令一律辦理此覆籌備國會事務局真印

籌備國會事務局致各省都督電

各省都督鑒據甘肅都督佳電得衆議院議員選舉法第五條得被選舉權者是否包有旅居甘肅二年以上之外省人在內第六條第一款所云是否賅括前清革職人員在內第七條第一款所云是否賅括滿營兵丁在內如滿人而未列軍籍者是否與漢人一律有選舉權及被選舉權等語查第五條被選舉資格但以是否有中華民國國籍是否男子是否年滿二十五歲以上者爲限不問本省或外省人均在其內第六條第一款新刑律未施行以前並無褫奪公權利名前清革職人員若具有他項資格與法定條件相合者自不在內第七條第一款現役陸海軍人係指按照陸海軍編製而有現役者而言若滿營兵丁雖現經食餉而現不充役者仍以普通駐防旗人論應遵魚電所奉 大總統令一律辦理除電覆外合併電聞希即查照籌備國會事務局真印

廣西都督致籌備國會事務局電二則

籌備國會事務局鑒本省覆選分爲六區遵即照辦惟原電內漏列鎮安一府現擬添入第五區又上思府擬移併第六區以資便利並聞桂都督陸榮廷魚印

籌備國會事務局鑒查衆議院選舉資格內有與小學校以上畢業相當之資格者一項是否包括

前清舉貢生員而言祈速電示廣西都督陸榮廷陽印

籌備國會事務局覆廣西都督電

廣西都督鑒魚陽兩電均悉已經諮詢參議院俟決定答覆即電達此覆籌備國會事務局真印

萬全縣知縣陳鈺呈籌備國會事務局電

籌備國會事務局鑒九月三號接宣化府轉奉都督電准內務總長艷電國會召集現擬提前趕辦等因查衆議院議員選舉法未蒙奉到希即排印頒發以便遵辦萬全縣知縣陳鈺謹稟齊印

籌備國會事務局覆萬全縣知縣電

萬全縣知縣齊電悉衆議院議員選舉法早由國務院印行何尙未到既據電稟應候查催迅發此覆籌備國會事務局灰印

籌備國會事務局致各省都督民政長蒙古西藏青海行政辦事長官電三則

各省都督民政長蒙古西藏青海行政辦事長官鑒各項選舉法規條緒紛繁確有疑義自須分別解釋所有解釋權限業經大總統諮詢參議院議決現准覆稱來咨所稱嗣後關於立法上之解釋隨時諮詢參議院關於條文上之解釋逕由籌備國會事務局辦理各該選舉監督及選舉總監督遇有選舉各法之疑義一切文電均逕達籌備國會事務局由該局分別核辦各節均係爲行政上便利起見應即照來咨辦理等因答覆前來合行通電嗣後選舉各法凡有疑義須解釋者一切文電均逕達本局以便分別核辦籌備國會事務局元印

各省都督民政長蒙古西藏青海行政辦事長官鑒衆議院議員選舉法第四條各款疑義關於立法上之解釋業經呈請大總統諮詢參議院議決答覆合將原文電達如下一第一款所載直接

法令

二十一

法 令

二 二 一

稅之種類以地丁漕糧爲限第二款所載不動產之範圍無論所有權及抵當權皆包含在內船舶亦以不動產論三四款所載與小學校以上畢業相當之資格之種類如前清生員以上及畢業於六個月以上之各傳習講習研究等所簡易速成豫備等科並曾在小學校以上學校充當教員一年以上者皆是但體操教員不在此限等語希迅飭各屬一體遵照籌備國會事務局元印各省都督民政長蒙古西藏青海行政辦事長官鑒前電及政府公報登載衆議院議員選舉法第五十四條第二款內有遺漏現經諮詢參議院據覆應於原文選舉人上添一被字除業由政府公報更正外合亟電聞希迅飭各屬一體遵照籌備國會事務局元印

內務總長致各省都督民政長電

各省都督民政長鑒九月初十日奉 臨時大總統令參議院議決籌備國會事務局追加官制本大總統按照約法第三十條公布之此令籌備國會事務局追加官制第一條加第三項三關於省議會議員選舉事項等因合行電達嗣後關於省議會議員選舉事項一切公文函電希逕達籌備國會事務局辦理所有各省所設籌備選舉事務所一律兼辦籌備省議會議員選舉事項以期一貫內務總長元印

直隸都督致籌備國會事務局電

籌備國會事務局鑒直隸辦理選舉茲有奉詢三事如下一兩種選舉費用及議員旅費如何分別支銷二直隸前辦諮議局選舉及今夏改選臨時議會所有京師內外城及京營地面係由各該管衙門派員造冊交由大宛兩縣申達此次選舉可否仍由該管衙門擔任調查交由大宛兩縣併造成冊稍從習慣仍期妥速三內務總長虞電內開所有省議會議員選舉法所定議舉人資格僅現

任行政官吏及巡警以本省爲限之語是否在本省現任者停權在他省現任者不停權統乞迅賜電覆爲盼國璋蒸印

籌備國會事務局覆直隸都督電

直隸都督鑒蒸電悉兩種選舉費用不日將有施行細則公布京城及京營地面擬由各該管衙門調查監督仍以大宛兩縣充之事尙可行應候分別行知辦理虞電所開行政官吏及巡警既以本省爲限非在本省現任者當然不受限制籌備國會事務局元印

河南都督致籌備國會事務局電

籌備國會事務局鑒迭奉電示促辦國會選舉甚急事關國本自當提前趕辦勉赴期限除先後各電均經隨時分別電飭各處外茲將河南籌備情形略陳梗概一全省籌備機關之設立敝省初奉八月艷電即在署設國會籌備處嗣奉九月微電改稱籌備選舉事務所直轄於選舉總監督酌設參議委員贊助總監督規劃全省選舉事宜設僉事委員一人秉承總監督表率各事務員執行所內事務現在省議會選舉法業經公布一切籌備未便另設機關又河南舊日自治籌辦處前未裁撤臨時省議會議決臨時縣議會暫行法則現正督催各屬遵辦擬將省議會議選舉籌備暨原有自治籌辦處一併歸所辦理各事務員卽分爲四科以專責成第一科專司籌備國會第二科籌備省議會第三科籌備地方自治第四科辦理庶務其文件函電均用總監督名義直接各府廳州縣俾期迅速而免貽誤二覆選機關之設立查覆選區表河南分爲四區係照原設四道劃分第一區卽開歸陳許鄭道第二區卽彰衛懷道第三區卽河陝汝道第四區卽南汝光浙道其開歸陳許鄭道原駐開封南汝光浙道原駐信陽地點較爲適中交通亦便卽派各該道爲覆選監督以原駐地爲

法令

二十三

法 令

二十四

駐在地彰衛懷道原駐武陟縣地點較偏現委該道爲第二區覆選監督而定駐在地於汲縣已飭該道暫行移駐辦理河陝汝道原駐陝州地方既不適中且該缺現由陝州兼署身任地方不能移駐他處現已另委監督定洛陽縣爲駐在地其各區事務所亦飭尅期成立勿誤期限三各初選區已遵派各區地方行政長官爲初選監督並飭分割投票區每初選區以四區至十區爲限調查員每投票區以四人至八人爲限庶辦理可期迅速調查可早竣事上開各節略陳大概不涉瑣細繼續籌備容後再陳如有未合機宜仍望隨時電示爲荷汴都督張鎮芳叩蒸印

籌備國會事務局覆河南都督電

開封府都督鑒蒸電悉籌備地方自治與國會並無關係應另設機關辦理不宜歸納於籌備選舉事務所致有混淆餘均妥善籌備國會事務局元印

籌備國會事務局致各省都督民政長電

各省都督民政長鑒選舉籌備日期令業經電達在案查選舉法第十五條載覆選區設覆選監督由選舉總監督委任第二項載覆選監督駐在地由選舉總監督定之各等語所有覆選監督是否即以原表首列之初選區爲該監督駐在地抑須審察地方情形另定除河南業經彙報外其未經彙報省分希於核定及委任後迅速電告爲盼籌備國會事務局元印

籌備國會事務局致各省都督民政長電二則

各省都督民政長鑒衆議院議員選舉法第七條第二第三款疑義關於立法上之解釋業經呈請大總統諮詢參議院議決答覆合將經院議決者電達如下(一)第二款之現任字樣應以係薦任以上官以現奉有正式任命命令係委任官以現奉有正式委任令而現任本職者爲限凡雖奉有

薦任命令或委任令而未就職或雖經就職而已辭職及其他臨時延聘或暫時僱傭僅在各行政司法官署襄辦公務之員既非現任按照官制之本官又非現任按照官制之本職者即不能以本法所稱之現任行政司法官吏論其就職後之辭職以辭職書送達於該管官署經批准之日即作為非現任之日(二)第三款之宗教師字樣應以回教耶穌天主各教中之現司教務而確有宗教師相當之名義者為限希迅分飭遵照籌備國會事務局寒印

各省都督民政長鑒准湖南都督電稱此次籌備選舉人員與直接辦理選舉人員不同其被選舉權似不在停止之列等語查辦理選舉人員選舉法業有明文規定自應遵照法定制限辦理至選舉總監督所用籌備選舉人員其名稱既與法定辦理選舉人員不同又非直接辦理選舉果無其他法定制限當然不能停止被選舉權除逕覆外特通電查照籌備國會事務局寒印

直隸都督致籌備國會事務局電二則

籌備國會事務局鑒查選舉資格第四項有與小學校以上畢業相當之資格者得有選舉權若自治學員師範傳習生法政校外生東洋游學紳及前有生員以上之資格並曾任實缺職官等是否與小學校以上畢業資格相當得有選舉權請速解釋電復國璋文印

籌備國會事務局鑒省議會議員選舉法第一條之名額依省制第五條所規定現省制尙未奉頒可否先將直隸名額揭示又省議會覆選區劃表未見公布是否與衆議院覆選區劃相同又省議會選舉日期教令何日可頒以上各節均與籌備省議會選舉關係急切統希迅賜電覆為荷國璋元印

籌備國會事務局覆直隸都督電

法令

法 令

二 十 六

直隸都督鑒文元電均悉相當資格一節已經元電通行矣省議會覆選區表及選舉日期令不日公布續當電達籌備國會事務局寒印

承德府知府呈籌備國會事務局等電

籌備國會事務局天津馮都督鈞鑒刻已督同自治員劃定六區製就選舉監查表遴派調查員三十二名分赴各鄉詳慎調查趕緊造冊再國會組織法選舉法單行印本尙未奉到請飛賜二十本承德府知府何林元印

籌備國會事務局覆承德府知府電

承德府知府元電悉所需國會組織等法單行印本已電請直督就近排印迅行矣籌備國會事務局寒印

籌備國會事務局致直隸都督電

直隸都督鑒頃據承德府知府電稱國會組織等法單行印本尙未奉到請飛賜二十本等情查國會選舉期限甚促應由貴都督就近排印多本迅速通行以免遲誤籌備國會事務局寒印

山東都督致內務部暨籌備國會事務局電

內務部籌備國會事務局鑒魚青電均悉覆選監督已委任駐在地亦指定容咨呈選民資格非有確當解釋不能從事調查擬定細則亦無標準期限已迫前歌電請解釋選舉法各節翹盼速覆自齊文印

專件

籌備國會事務局參考表式之一

各省議員選舉監督及議員名額覆選初選區數目表

| 省 | 別 | 選舉監督及<br>選舉總監督 | 參議院議員名額 | 衆議院議員名額 | 覆選區數 | 初選區數 |
|---|---|----------------|---------|---------|------|------|
| 直 | 隸 | 都督             | 一〇      | 四六      | 八    | 一五八  |
| 奉 | 天 | 都督             | 一〇      | 一六      | 四    | 五五   |
| 吉 | 林 | 都督             | 一〇      | 一〇      | 四    | 四〇   |
| 黑 | 龍 | 江都督            | 一〇      | 一〇      | 三    | 二〇   |
| 江 | 蘇 | 都督             | 一〇      | 四〇      | 四    | 六〇   |
| 安 | 徽 | 都督             | 一〇      | 二七      | 八    | 五八   |
| 江 | 西 | 都督             | 一〇      | 三五      | 六    | 八一   |
| 浙 | 江 | 都督             | 一〇      | 三八      | 四    | 七五   |
| 福 | 建 | 都督             | 一〇      | 二四      | 八    | 六〇   |

專件



報 期 星 元 紀 新

|      |    |    |    |    |     |    |    |    |     |     |     |    |    |
|------|----|----|----|----|-----|----|----|----|-----|-----|-----|----|----|
| 共    | 貴  | 雲  | 廣  | 廣  | 四   | 新  | 甘  | 陝  | 山   | 河   | 山   | 湖  | 湖  |
|      | 州  | 南  | 西  | 東  | 川   | 疆  | 肅  | 西  | 西   | 南   | 東   | 南  | 北  |
|      | 都  | 都  | 都  | 都  | 民   | 都  | 都  | 都  | 民   | 都   | 都   | 都  | 民  |
| 計    | 督  | 督  | 督  | 督  | 政   | 督  | 督  | 督  | 政   | 督   | 督   | 督  | 政  |
|      |    |    |    |    | 長   | 督  | 督  | 督  | 長   | 督   | 督   | 督  | 長  |
| 一三〇  | 一〇 | 一〇 | 一〇 | 一〇 | 一〇  | 一〇 | 一〇 | 一〇 | 一〇  | 一〇  | 一〇  | 一〇 | 一〇 |
| 五五六  | 一三 | 二二 | 一九 | 三〇 | 三五  | 一〇 | 一四 | 二一 | 二八  | 三二  | 三三  | 二七 | 二六 |
| 一四一  | 八  | 八  | 六  | 七  | 八   | 八  | 八  | 六  | 七   | 四   | 八   | 六  | 八  |
| 一七九八 | 七三 | 九五 | 七九 | 九四 | 一七三 | 三八 | 七〇 | 九一 | 一一七 | 一〇七 | 一〇七 | 八〇 | 六九 |

專 件

蒙藏青海議員選舉監督及議員名額表

| 選舉監督地        | 別參議院議員名額 | 衆議院議員名額 |
|--------------|----------|---------|
| 奉天都督哲里木盟     | 二        | 二       |
| 熱河都統卓索圖盟     | 二        | 二       |
| 昭烏達盟         | 二        | 二       |
| 察哈爾都統錫林郭勒盟   | 二        | 二       |
| 綏遠城將軍烏蘭察布盟   | 二        | 二       |
| 伊克昭盟         | 二        | 二       |
| 甘肅都督阿拉善      | 一        | 一       |
| 額濟納          | 一        | 一       |
| 烏里雅蘇台將軍土謝圖汗部 | 二        | 二       |
| 車臣汗部         | 二        | 二       |
| 三音諾顏部        | 二        | 二       |

專件

三

專 件

|   |    |   |    |   |   |   |   |   |   |   |   |   |
|---|----|---|----|---|---|---|---|---|---|---|---|---|
| 十 | 青海 |   | 西藏 |   |   |   |   |   | 新 | 科 | 阿 |   |
| 一 | 辦事 |   | 辦事 |   |   |   |   |   | 疆 | 布 | 爾 |   |
| 處 | 事  |   | 事  |   |   |   |   |   | 都 | 多 | 泰 |   |
| 二 | 長  |   | 長  |   |   |   |   |   | 督 | 參 | 辦 |   |
| 十 | 官  |   | 官  |   |   |   |   |   |   | 贊 | 事 |   |
| 四 | 青  | 後 | 前  | 額 | 明 | 札 | 杜 | 新 | 哈 | 阿 | 唐 | 札 |
| 〇 | 海  | 藏 | 藏  | 魯 | 阿 | 哈 | 爾 | 土 | 薩 | 爾 | 努 | 薩 |
|   |    |   |    | 特 | 特 | 沁 | 伯 | 爾 | 克 | 泰 | 烏 | 克 |
|   |    |   |    |   |   |   | 特 | 扈 |   | 烏 | 梁 | 圖 |
|   |    |   |    |   |   |   | 特 | 特 |   | 梁 | 海 | 汗 |
|   |    |   |    |   |   |   |   |   |   | 海 |   | 部 |
| 四 | 三  | 五 | 五  |   |   |   | 三 |   |   | 一 | 一 | 二 |
| 〇 |    |   |    |   |   |   |   |   |   |   |   |   |
| 四 | 三  | 五 | 五  |   |   |   | 三 |   |   | 一 | 一 | 二 |
| 〇 |    |   |    |   |   |   |   |   |   |   |   |   |

籌備國會事務局參考表式之一

衆議院議員選舉法定期間表

| 關係於總監督者  | 關係於覆選監督者  |
|--|---|
| <p>覆選區設覆選監督於初選期三個月以前由選舉總監督委任(十五條)</p> <p>覆選當選人名額分配後由總監督於初選期三十日以前通知各覆選監督(七十條三項)</p> <p>覆選監督應於覆選期三十日以前頒發選舉通告(七十一條)</p> | <p>投票紙應由覆選監督按照定式製成於初選期三十日以前分交初選監督(三十九條)</p> <p>初選當選證書應由覆選監督按照定式製成於初選期二十日以前分交初選監督(六十三條)</p> <p>初選當選人名額分配後由覆選監督於初選期十日以前榜示各初選區(三十一條三項)</p> <p>投票區應於初選期六十日以前由初選監督籌定呈報覆選監督核定後轉報總監督(二十二條)</p> |

專件

專件

六

| 係 於 初 選 監 督 者  |
|--|
| 選舉人名冊應於初選期六十日以前一律告成由初選監督分別呈報覆選監督及總監督(二十五條)           |
| 初選監督應按各投票區分造選舉人名冊於初選期六十日以前頒發各投票區宣示公衆(二十六條)           |
| 宣示選舉人名冊以五日為期如本人以為錯誤遺漏得於宣示期內取具證憑呈請初選監督更正(二十七條)        |
| 前項更正初選監督應自收呈之日起五日內判定(二十七條二項)                         |
| 初選監督應於初選期四十日以前頒發選舉通告(三十二條)                           |
| 投票所及開票所自投票開票完畢之日起十五日內一律裁撤(三十六條)                      |
| 投票紙應由初選監督於初選期七日以前分交各投票所(三十九條)                        |
| 初選監督應按照各投票區所屬選舉人分別造具投票簿并按照定式製成投票區於初選期七日以前分交各投票所(四十條) |

關於選舉人及當選人

宣示選舉人名冊以五日為期如本人以為錯誤遺漏得於宣示期內取具證憑呈請初選監督更正(二十七條)

選舉人確認辦理選舉人有舞弊及其他違背法令行為得自選舉日起初選於五日內向地方審判廳起訴覆選於十日內向高等審判廳起訴(九十條)

選舉人確認當選人資格不符或票數不實者得依前條之規定起訴(九十一條)

選舉人確認所得票數應當選而未與選或候補當選人確認名次有錯誤者得依九十條之規定起訴(九十二條)

初選當選人接到通知後於五日內答覆願否應選(六十一條)

覆選當選人接到通知後應於二十日內答覆願否應選(七十九條)

專件

七

專  
件

八

報粹

▲讀內務部通告全國選舉人文書後

(錄上海大共和日報)

夫專制之國非無良規民主之邦亦有秕政蓋制度法規因用之者而異其美惡橘過江則化爲枳天下事往往然也近代立憲國家莫不行代議制度置代議機關俾庶政可盡循乎輿論而一切政治乃得圓滿進行民主國家主權在民議院之地位尤尊崇而不可輕侮吾國自革命成功肇建民治遂立參議院以爲暫時之民意機關採列國之宏規樹萬世之模範意非不善也不謂倉卒成立人材不齊非材官給仕之流即少年狂躁之輩開會有時未聞於國利民福有所擘畫而惟俯首帖耳以將順政府之意舉世譁然非之本報當時筆伐之尤力迨議院移北前之材官幕友少少退職補之者又因選舉機關不備未盡得人開會百數十日惡聲著於天下自來軍人干涉之漸自招外人諷笑之辱使國中憤激之士因痛參議員之無狀而疑及立法議會之無價值與國民腦中以極惡之印象此其罪曷可勝言耶幸行政當局顧全大體不肯解散之以蒙摧殘立法部之名然其實參議院之價值信用固無可言也今者正式國會選舉之期在即立完善之機關雪兩次之大耻均於此舉是賴故內務部通電全國諄諄告誡將使各選舉人了然於選舉之性質其說已詳惟記者尙有微意願以補部電之不足

第一選舉人須知選舉乃權利而兼義務也夫天下興亡匹夫有責然擔當宇宙不能盡人而能於是不得不就其所信者而選舉之使入議院當監督政府協議國務之任此乃國民當然應盡之責任非僅其權利也如僅屬權利則未始不可以自由意思拋棄也若兼有義務性質則固不應輕於拋棄矣大抵文明程度較高之國國中棄選舉權者必較少日本往昔棄權者甚多近年則逐漸減



少是其証也吾國政治思想尙未普及鄉陋僻壤不解選舉爲何物者尙不知幾許卽略具智識之士亦以參議院之故鄙夷議院必有自甘於拋棄者故吾深望選舉人認定選舉一事爲國民應盡之責任而不輕於棄之也

第二選舉人須注意選人也夫選舉權爲神聖不可侵犯之權利不可以力屈不可以利動固矣然選舉人又當知代議士者代表全國利害者也非代表一地方之利害也代表全國意思者也非代表個人之意思也代議士之智識必能洞徹全國之情勢而不囿於一地方之褊私代議士之精神必能貫注於全國之福利而不限於一地方一團體之幸福如是則代表得人非選舉人之榮施亦天下之大幸也

嗚呼數月以來參議院之爲世詬病甚矣憶議院移北以還吾人所以喁喁望之者如何而今竟何如今吾人之望正式國會較昔之望北京參議院者尤切前途茫茫漫不可期善因善果實不能不望諸選舉人之敬慎將事也

▲美國選舉與政黨之借鑒

(錄神州日報)

美國自大總統以至於州知事州議員之選舉無一不由政黨之運動故政黨之織組如一大機關通全國而甚完備也夫美國廣土衆民與我相等而其政黨之完備斷非我所能及迺顧我國選舉事業開始之期匪遠請就美國選舉與政黨之運動爲我國人一借鑑焉

美國政黨散布全國之各地以選舉區劃爲基礎在於最小選舉區劃之所皆有黨員集合以政見相爲會名之曰考加斯此等集合理論上爲正當黨員之會然漠然而不出席者大都居於多數又其他或因種種之事故不克蒞會其實在之考加斯不過少數黨員之集合而已試進而按之美國

考加斯之職務約有三種一於地方最小選舉區劃之黨員中選舉黨之委員二對於選舉區劃內之官吏選舉而指定黨之候補者三對於選舉區劃內之議員選舉而選舉黨中評議會之代表者在地方第二之選舉區劃仍由第一區劃之代表者爲集會亦行三種之職務與最小之區劃相同是以大小區劃如連環之結合而組織全州黨員之大會於此會則選在州黨中之委員指定州知事之候補者且於此會選舉出席於全國黨員大會之代表者由此大會本其全黨之主義綱領又選定大總統之候補者大總統候補者選舉之方法用秘密投票是故政黨之秩序整然政黨之組織完備惟此整然完備之機關若不幸而歸於黨中少數運動者之掌握則不獨全國選舉區劃普通人民之權利將被其攘奪無遺即各政黨之正當黨員亦坐視傍觀而未如之何欲改選之非待其任期滿時不可美國政界之弊風如是竊願我國人萬勿襲之記者對於政黨之運動選舉鑑於美之不善而籌得改進之策厥有一端(第一)須由全國報紙喚起一般輿論而使人民之多數者自悟其參政之責任(第二)於最小選舉區劃之政黨集合必不越法律之範圍凡爲可出席於此會之正當黨員悉使集合不許黨內之不正者有自由選舉之事(第三)於一切官吏選舉之先使普通人民直接而指名候補者廢止考加斯秘密投票之方法蓋政治縱不免流弊果有健全之輿論勃興則不難改良進步今吾國共和政治甫肇首基雖有二三政黨求如美之整然完備者尙遠益以全國人民參政之程度甚低權利之思想亦穉國中言論界復無能喚起健全輿論爲政黨之後援選舉之事日促政治之現象如是欲祛美國之弊風烏可不預籌改進之策耶

▲選舉之腐敗豫防法

(錄軍國日報)

國會組織法兩院議員選舉法公布矣國會籌備事務所成立矣國民投票將有日矣以十數年來

志士仁人所希望之國會一旦告厥成功如天之福信足以解懸而救憔悴矣吾不知吾民得此其視英人始見成立大憲章美人初開聯邦會議之感情爲何如

不出代議士不納租稅此歐人之恒言也今吾民居然得出代議士之權利其歡欣愉悅固不待論獨是非常之原黎民所懼民者不可與慮始而可與樂成故本報昨撰選民箴以指導其方針焉而選舉之腐敗猶有不能不兢兢焉以爲之防者誠以代表之制至今已爲叢弊之淵藪前鑒不遠來日方長非可漠視之也

亞里斯多德有言曰譬之如水爲多量必不腐敗故多數之人比少數之人較難腐敗斯言也蓋爲普通選舉之所祖也今吾國地方遼闊選民衆多已非如古昔限制選舉之狹其腐敗之弊害當能以多數防之然多數者天下最不可恃之物也一羣之中程度不齊有政治上之傀儡者出多數之人盲從者比比皆是故民岩可畏而不足畏觀於法國路意普洛爾政治罪惡論選舉之腐敗一節所舉法國以金力左右選舉之事正復何限又云普通選舉不必買收選舉人惟買收政治上之傀儡者已足正如羣羊之於牧者也更觀美國選舉賄賂之風盛行不僅如古之羅馬於貧選舉人中散布微款也又不僅如英之小鎮以至少之金額散布於慣賣投票者也美之行賄其貧區一下院議員有選舉費多至八千元達於一萬元者霍特遜沿岸有一腐敗區一國會議員需費至五萬金元者其腐敗乃至如此然則多數之民意固可恃耶我國今日共和告成取制法美羣視代表之職爲義務而非權利其不至有金力左右選舉之事當可預卜然賣官鬻爵已成風氣若議員之權利不減於滿清時代之官僚也則選舉之事斷於弊絕而風清無復賄賂招搖諸惡點是又烏可必者嗚呼選舉腐敗之於國其流毒更甚於百斯託之惡疫也際禮義喪廉恥禍之中於人心者豈疾之

中於人身者可比乎故吾民視防選舉之腐敗當如防疫之傳染重罰金獎告訐以防之與此非根本之救治也嚴政黨繁手續以防之與此又恐一法立而一弊生也若論根本防禦之方法則至平庸而無足奇曰慎教育之方針而已我國政治紀綱之嚴肅原為世界各國所未有而其感化其約束則實在於先聖先儒之學說五常四維窮天地亘萬世而不墜者也六經為全國上下公守之意法即專制之君主罔不兢兢業業惟恐以得罪聖賢為失信斯民之漸儒教之關係使然也為今之計教育方針當以崇儒敬孔為主人人範圍於五常四維之中君主時代之政法可變君主時代之道德不可變正氣長邪佞消選舉之腐敗自然絕矣乃淺識之士以共和為海外之奇策不揣固陋日騰其所謂排孔非儒諸謬說及一遇國家社會寡廉鮮恥腐敗諸事又相與嗟歎驚駭不置是猶故濁其源而望其流之清也豈不悖歟

雖然教育之於國遠則百年近亦十年而後有成效之可言緩不濟急為之奈何是有關邪蕩穢之救世軍焉主忠信崇禮義勸廉恥敦氣節是所望於吾輩主持輿論界之新聞家也

#### ▲論眾議院議員選舉資格

(錄上海民國新聞)

江蘇程都督以眾議院議員選舉資格未見明文特電國會籌備事務所請指示辦法選舉期間轉瞬將屆則選舉資格之確定誠亟亟不可緩今請就此點而論之

眾議院議員選舉法第一條規定得為眾議院議員選舉人之資格第二條規定得被選為眾議院議員之資格第一條選舉人之資格規定極為明瞭當無所用其解釋惟第二條被選舉資格中僅規定凡有中華民國國籍之男子年滿二十五歲以上者得被選舉為眾議院議員數語蘇督之所疑者殆即此被選舉資格耶然此項條文之規定實係承襲於他國而來欲明其理當先就法美兩

國選舉法而言之

法國於一八七〇年二月之憲法第一條第二項規定代議院議員依選舉法之所定以普通投票選舉之是即所謂普通選舉制也其得享有此普通選舉權即年齡達於二十一歲以上之法國男子其資格似甚爲寬泛而所以限制此資格者即以消極資格而停止其選舉被選舉權或剝奪其選舉被選舉權也

美國憲法第二條第一項曰代議院以各州人民選舉之議員組織之每二年一任其各州之選舉人須具有各州立法部之選舉人資格者其第二項曰得爲代議院議員者以年齡達二十五歲七年間爲合衆國國民且選舉時爲其選出州之住民者是則所謂得被選舉爲代議院議員者即須具有第二條第二項之諸條件者乃能由有選舉資格者選舉之其或無第二項之諸條件或於第二項之諸條件有欠缺者皆不得有代議院議員之被選舉資格也明矣

故法美諸國於選舉代議院議員之資格大致相似即(一)達選舉年齡(二)有選舉權(三)爲本國國民也雖其選舉資格之細目各有不同而其以三大原則爲現行選舉法之基礎則要無甚異且其精神尤在有選舉權之一條蓋平民政治之選舉法雖多數取普通選舉制然若漫無限制勢必以智識不全精神欠缺之人攪入於代議院以致釀成不良之政治則危險甚大故另設消極資格以剝奪或停止其選舉被選舉權其有選舉權者即無消極資格之各項者也

今日之衆議院議員選舉法既於第一二兩條規定選舉衆議院議員及被選舉之資格其三四五六條又有不得有選舉被選舉權及停止其選舉被選舉權條件之規定則比較參觀可知具有第二條衆議院議員被選舉資格者必係具有第一條選舉人之資格而不犯第三條至第六條之無

選舉權之諸條件可斷言也

且選舉法之所以如此規定者誠以選舉人之資格既以本國籍滿二十一歲之男子在選舉區住居滿二年以上而有(一)年納直接稅二元以上(二)有五百元以上之不動產(三)在小學以上畢業(四)及與小學以上畢業程度相當者之資格之一方得為衆議院議員之選舉人。是其智識程度已足以審擇其被選舉者之當否則於被選舉資格中僅規定本國籍年滿二十五歲之男子而已足其餘則除消極資格所限制之外悉由選舉者之意思而選舉之。斯普通選舉制之精神也是則此次衆議院議員選舉法所規定衆議院議員之被選舉資格實絕無疑義可尋因此非今日我國特創之法例而實各國普通選舉制之普通條例也。且議員選舉之良否悉視選舉人之資格如何以為衡選舉人之資格既合而選舉之方法又密則被選舉者亦必有得人之效萬不能僅注意於被選舉資格也有辦理選舉之責者其亦知所從矣

▲國民宜汲汲注意國會選舉

(錄重慶共和日報)

一國之治亂安危利弊得失關於行政而監督行政使之有治而無亂有安而無危有利而無害有得而無失則權在國會而組織國會成立使之能否監督行政實行其監督行政之權則在國會初幕開選會員時之選舉一國選舉皆得其人則國會會員胥具有政治上之知識能力其監督行政也不難一國選舉苟不得其人則國會會員雖不皆全無政治上之知識能力而欲其事事監督行政也不易今民國初立萬幾待理舉國父老子弟日在驚濤漩渦之中岌岌焉恒慮朝不保夕但見其有害而無利有失而無得有亂而無治其弊更甚於專制非民國共和之不善也蓋國會尙未成立故也國會未成立蓋民國國民尙未選舉故也今幸也國會選舉大綱已由大總統命令法制院

編定參議院通過定期於九月三十日爲衆議院初選完竣時期十月三十日爲複選完竣時期十一月朔發召集命令明年正月十日實行開會此中國數千年以來未有之盛舉而亦我民國億萬年以後無量之幸福也當此開幕時期我國民宜何如注意豈可視如專制時代之選舉議員悠悠忽忽一聽其放棄權利而不顧乎夫民國共和時代與前此專制時代之迥不相同也匪特判若徑庭其相差更不可以道里計蓋專制時代以君爲主體一切政治胥由於君而人民不過服從故其民曰臣民共和時代以民爲主體一切政治胥由於民而長官不過公僕故其民曰國民專制時代之民輕共和時代之民重惟其重也而國民之多又不能一一皆聚於一處以議政事故必各省府廳州縣各舉會員以代表其全體國民之意聚於一處磋商政治故曰國會記者嘗考泰西各國之國會選舉也舉國若狂甚且有廢棄職業甘忍饑餓日夜奔走以從事於選舉者無他蓋國會選舉爲國民參政獨一無二之權利喪失之卽失公民資格放棄之卽棄國民權利一經舉定數年乃更苟非其人損失更大昔者美洲之爭選舉權也有曰不出代議士不納國租稅其重視國會會員爲何如而其選舉也又必審之又慎必視其人之知識學問能力心術有可以爲吾全體人民之代表否然後書票投之其重視國會選舉又何如今民國初立各國尙未正式承認各政尙未一致進行各省秩序尙未恢復各境邊患尙未悉平各地人心尙未安靖各縣官治尙未得人其根本上之問題則財政如困魚涸鮒不可久待其債團上之交涉則變態如生龍活虎不可捉摩大總統不過臨時代任參議院不過暫設機關則其對於國會選舉也尤宜汲汲注意注意之道若何一則宜預爲物色其人連絡大多數以爲臨時投票之被選舉者勿隨意混書一名而不知其關係甚大也一則宜預先探悉其時間與地點風雨無阻勿謂其弗去無害坐視其票之廢棄不投而不知一票之力

甚大也。一則宜臨時抱定選舉權勿爲大力者酒食所牽勿以其平素交知礙於情面蓋一經選定則與箇人無甚關係而關係全在一國之大也。且夫差之毫厘者謬以千里凡爲國民者當具有國民之資格與程度現今三大政黨無過同盟會共和黨與統一共和黨三大黨之純乎其爲完全政黨或其分子之不無複雜與否吾不可得而悉苟選舉者盲於從事則被選者之價值可知被選者盲於其職則國會之前途可想勿曰國會選舉採兩院制原不僅一衆議院而其實衆議院之權甚衆德之俾士麥克當日與衆議院諮詢日本伊藤博文亦累被代議院詰問蓋國家立法必先由衆議院議可而後通過上議院此立憲各國之公例也當茲民國國會開宗明義第一吾願凡爲國民之有選舉權者慎勿忽忽放棄責任放棄權利此則民國前途最大多數之最大幸福也。



報 期 星 元 紀 新

---

報  
粹

十

## 中國大事記

十四日

教育部公布審定教科用圖書規程

十五日

任命谷如墉爲山西民政長

財政部公布調查委員會章程 該會掌調查各省財政收支之舊制及現狀以爲整理財政之準備其調查事務分爲五項(一)調查舊制(二)調查各省財政收支之現狀(三)調查各地金融實況(四)商訂預算章程格式(五)調查各省現行稅則及籌議劃分整理稅項方法

十六日

公布更正衆議院議員各省覆選區表

任命梁如浩爲外交總長

任命劉鏡人爲駐俄公使

國務員出席參議院 是日國務員全體出席開秘密會首由代理趙總理報告政府辦理

大事記

蒙藏情形及外交狀況與借款種種經過情節陸軍段總長陳說政府關於蒙藏軍事上之計畫最後財政周總長詳述目前借款情形及將來財政上之計畫

十七日

司法部公布律師暫行章程

反對議會彈劾省長 程德全胡漢民李烈鈞以現擬省制有予議會以彈劾省長之權而刪去解散議會權極力反對特電參議院謂議會既得彈劾省長則中央亦得解散議會兩權互用始得其平今徧重彈劾一面是省長既服從中央懲戒又服從行政裁判而更加以議會彈劾三方受制救過不遑一省政治必無積極進行之望况違法尙有成文可據失政則權屬議會認定並無範圍是無日不在危疑震撼之中即無事不在議會操縱之下其結果將釀成地方紛擾議會專制之勢而大局失統一之力則各省有瓦解之憂

大事記

以故地方會議彈劾長官各國皆不取此例就法理論省會對於省長祇能糾舉不應有彈劾權若認其彈劾權復無調劑之途理論事實均難適合現在軍民分治尙難完全實行且省長將來多由都督並任一經彈劾軍界動搖影響更巨事關大局安危萬不能緘隱遷就省制乃全國根本問題稍不審慎禍亂隨之務請權衡法理參酌事實採用彈劾解散二條弗失其平俾奠國礎

甘督軍民分治之建議 軍民分治一事各省都督間有反對者甘督趙維熙則極力主張分治並擬有三種辦法(一)軍民分治宜先將地方稅國家稅劃分清楚以確定地方財政基礎(二)軍民分治凡屬於地方之維持秩序保衛治安等事宜多設巡警屬民政長官管轄所有已前之各省軍隊使其專注國防不預民事(三)民政長暫以原有之省爲區域其都督駐札及管轄地方請由政府劃

定軍事區域不與各省區域相混

十八日

袁黎孫黃之八大政綱 孫黃入都以來大總統屢與密商國家大計決定政綱八條並電黎宋卿請其贊同黎亦亟表同意其政綱如左

- (一)立國取統一制度
  - (二)主持是非善惡之眞公道以正民俗
  - (三)暫時收束武備先儲備海陸軍人才
  - (四)開放門戶輸入外資興辦鐵路鑛山置鋼鐵工廠以厚民生
  - (五)提倡資助國民實業先着手於農工商
  - (六)軍事外交財政司法交通皆取中央集權主義其餘斟酌各省情形兼采地方分權主義
  - (七)迅速整理財政
  - (八)竭力調和黨見維持秩序爲承認之根本
- 十九日

省長選舉與簡任問題 政府提出省官制原

案省長由大總統簡任經參議院法制審查會易爲民選提出大會共稱黨民主黨主張先討論大體國民黨主張表決二讀會爭論許久又一轉而爲付全院委員之動議當時兩派中之有力者認此問題重大皆不敢十分自信其主張之是遂表決開全院委員會得多數贊成

參議院舉代表赴紀念會 黎副總統前次通電以舊曆八月十九爲去年武昌起義之日請各界推舉代表赴鄂開共和紀念大會並追悼陣亡將士參議院遂公推副議長湯君化龍代表赴會

二十日

司法次長汪有齡准免本官

下令賜爵蒙古王公 今日民國建設聯合五族組織新邦全賴各民族同心維持大局方能富強日進鞏固國基現在邊事未靖凡效忠民國贊贊共和之蒙古各扎薩克王

大事記

公等均屬有功大局尤宜各照原有封爵加進二位汗親王等無爵可進者封其子若孫一人以昭榮典其著有異常功績或首勦共和或力支邊局以及勸諭各旗拒逆助順者並應另加優獎用勵殊庸此令

下恪循禮法令 令曰前據南京留守黃興電陳民國肇造以來年少輕躁之士誤認共和真理以放恣爲自由以蔑倫爲幸福綱紀墜喪流弊無窮請講明孝弟忠信禮義廉恥以提倡天下挽回薄俗等情仁人之言聞之感喟本大總統深惟中華立國以孝弟忠信禮義廉恥爲人道之大經政體雖更民彝無改蓋共和國體惟不以國家爲一姓之私產而公諸全體之國民至於人倫道德之原初無歧異古人以上思利民朋友善道爲忠原非局於君臣之際自餘七德雖廣狹有殊而人羣大紀包舉無遺自頃以來人心浮動於東西各國學科之精微未能通曉而先醉心於

三

大事記

物質文明以破個人道德緣飾哲學比附名詞厚誣彼賢私遂已過抑知立國各有本末豈能舉吾國數千年之嘉言懿行一掃而空前述八德百姓與能乃妄者以爲不便於已棄如弁髦造作莠言誤人子弟幾欲化全國人民爲不孝不弟不忠不信無禮無義無廉無恥而後快孟子有言去人倫無君子率獸食人人將相食若任其自然不爲別白則五季之蕩無法紀復見於今必爲人類所不容環球所共棄言念及此憂心如焚爲此申明誥誡須知家庭倫理國家倫理社會倫理凡屬文明之國靡不殊塗同歸此八德者乃人羣秩序之常非帝王專制之規也當此存亡絕續之際固不必墨守舊說拘拘於一家之言亦豈可侵軼範圍毀冠裳而隨鱗介惟願全國人民恪循禮法共濟時艱其或倡作詖詞引人入阱國有常刑豈能寬縱本大總統痛時局之阡危怵紀綱之廢弛每念今日大

四

患尙不在國勢而在人心苟人心有向善之機即國本有底安之理凡我邦人父兄子弟敬而聽之此令

外國大事記

十四日

土意互交非軍事犯 土耳其政府向意大利政府提議互相交還非軍事上之犯人

乃木大將身殉日皇 日本明治皇帝御殯之日乃木大將以短劍割裂咽喉其夫人亦服毒自盡以身殉之並以遺函致大正皇帝聞者莫不哀慟

十五日

巴拿馬問題將付公裁 英國外務大臣對於美國所擬巴拿馬運河航行章程頗不滿意兩方爭執難以解決聞英政府請美國將此問題交三國仲裁會裁判

十六日

德國大操之驚耗 德國陸軍大操時發現一

意外之驚耗彼時有一飛機追擊氣艇而飛機離氣艇一百尺之上從高處測定方向擲下炸彈一顆正中氣艇

全米會議 南北亞米利加之共和國計相互

國交之親善近在華盛頓開全米會議

法蘭西保護日俄利益 法國內閣總理薄安

卜雷氏既與俄國締結協約近復親訪日本

本野大使謂對於中國借款問題日俄兩國

間已成立完全之協議英國之意見亦全與

日本一致法國方面亦甚表同情今後四國

對於保護日俄利益當執協同一致之步調

云

十七日

巴拿馬運河將通行 據華盛頓電公布巴拿

馬運河於一千九百十三年秋間可以通行

英外相與巴拿馬運河 美國免抽往來巴拿

馬運河之美國船鈔一事美已向英辯駁謂

指沿海岸船隻而言因沿海岸航業美國應

大事記

享專利不致碍及外國航業云云英外相不以美國所辯爲然已函知細卡斯魯商會其意美若免稅則巴拿馬運河歲入減少貿易必因之損失

巴爾幹不靖 巴爾幹一帶大局又復不靜蒲

爾茄利亞人又有戰事恐蒲人欲優待馬其

頓之基督教徒大約俄國必表同情

十八日

德國之抗議 德國政府爲英政府之後援對

於法西兩國之摩洛哥國境徵收通過稅提

起抗議

土耳其聘用英人 土耳其國務院議決聘用

英人六人爲政治郵政電報顧問

巴拿馬案將消滅 美國外交界謂英國將巴

拿馬運河案交公正人判斷一節刻已延遲

將來此舉應行作罷蓋免稅僅限於美國沿

海船隻英國無論如何必不能分毫利益欲

請公正判斷之意終必歸消滅

五

大事記

埃及改屬英國不確 據倫敦消息外間所傳英國與土國商議將埃及改屬英國之說殊不確據

十九日

俄國之革命 近日俄國革命風潮甚為劇烈軍隊響應者尤多現在全國革命軍已有八師團聲勢甚盛俄國軍隊不敷調遣擬將駐紮東省邊界之俄兵悉數調回

意土戰爭與歐洲之關係 意土戰爭久未解決兩方相持間忽有瓜分土耳其之風說流傳於歐洲外交社會間刻聞將一變而為俄土戰爭其為土耳其之後援者聞係德奧兩國而英法則似表同情於俄果爾則歐洲之大風雲將轟然而起矣

二十日

英德商戰之結果 英國商務在歐亞各國最為發達德國商務亦日蒸蒸日上大有踰越之勢據最近調查英貨進口者較前二年約增百

六

分之七十二德貨約增百分之五十亞洲各處英貨進口者約增百分之十一以上德則僅增百分之八云

俄國革命之續報 據外交界傳說此次俄國變亂波羅的海艦隊亦加入其中遙為聲援革命之風潮幾蔓延於全國

# 文苑

壯哉行 同芸子作

(元觀)

男兒三十方作健，傾瓊臨風不勝歎。  
江山莽闊輕裝來，宛人滾滾塵沙遍。  
寒炎黯澹波深時，與子情懷各不羈。  
暫置苦心勿復語，冥冥宵氣攪人思。  
從來意氣輕豪貴，半生耐受飄零味。  
紅牙玉管寄蕭情，纏綿慮損風霜氣。  
平野荒荒一千里，風吹白浪沓湖裏。  
不得銅琶醉後彈，壯心暗逐驚濤起。  
世事如波不可言，致身欲早古所難。  
十季鹿鹿隨蓬轉，誰知自待非等閒。  
危檣短檣依荒磧，奔走人寰信非易。  
語君莫問龐公臺，空言高隱今何益。

渡洛水二絕

(乃徵)

立馬灘頭晚渡空，孤城西峙亂流東。  
八荒雲淨暮天碧，身在河聲嶽色中。  
千年此地兵爭局，久付悠悠洛水聲。  
今日八方無險易，欲攜鴻藻賦東京。

江上憶閔山紆

(玠右)

高樓徙倚暮雲平，極目中原愧此行。  
齊魯春風新草色，梁陳明月舊江聲。  
頻年赤羽悲王粲，幾度青樽憶馬卿。  
賦就上林應自笑，文章天地一書生。

送友人從軍

(前人)

慷慨投書學荷戈，今朝行李定如何。  
砧聲夜靜城邊落，木葉秋高塞上多。  
家在垂楊朱雀渡，人行衰草白狼河。  
鐘山舊友能相憶，此地從來有鴈過。

譯德國詩人海內

Heine

詩集詩人小唱

Lyrische Inter mezzo

序

Trilog 一首

(北京大學圖書館姚寶名)



文苑

二

昔有世宦者憂心默無語腮瘦面如雪千步難舉來去總迷離如夢時容與 運衰不遇時形容  
木惟肯行步若將蹶崎嶇不遑眺小花與幼女相見啞然笑 屢在幽室中深深避人坐伸臂覓相  
思無言愁暗鎖靜夜聞歌聲愁咽訴幽情忽有扣門者剝啄使人驚 翩翩可人來衣聲翻浪花玳  
瑰擬紅麝裝飾閃蟬紗金髮覆長軀情深媚眼兒銷魂還攝魄相抱復相持 愛力結難解情懷相  
感通枯槁形如火病態容亦紅夢境時已醒愚情今含聰忽然出遊戲趁伊無意中持此白鮫綃情  
將伊首蒙 忽然覺此身幻化入仙藪宮外水粼粼瓊波繞戶牖雙目驚欲眩流光迷左右水中有  
仙人與伊相握手伊人爲新郎仙子爲新婦宮內衆仙女彈箏祝嘉偶 彈唱正酣時舉足舞成隊  
銷魂忍不禁醉心只情愛倏然燈火息伊人復獨在篷筆尙如前熒熒暗室內

# 談叢

亞園雜纂

美國總統比較談

美國前總統麥堅尼及羅斯福俱爲世界偉人然其相反處甚多美人所最崇拜者爲羅斯福至謂羅斯福爲造輿論者麥堅尼爲輿論所動者故羅斯福以一日成名而麥堅尼之聲譽則由多年積累所致云以性質言羅斯福爲激烈派麥堅尼爲遲緩派以出身言羅斯福生而富貴麥堅尼生而貧賤以經歷言羅斯福育於文學家優於政治麥堅尼育於工場長於實業愚按一則能造輿論一則爲輿論所動擔當才識胥於此判矣羅乎倘爾多財吾爲爾宰

許子純軼事

保定許子純任四川藩司時篤於鄉誼直隸同鄉凡不拘州縣佐雜幾無一賦閑者省城有燕魯公所即直奉旗東會館每省有值年二人均不及數月輒獲優缺而去故宦場中謂成華兩首縣不如燕魯兩值年蓋其酬報之優調劑之速不在兩首縣下也值年無所事事不足以展布其長惟公議時或團拜時必設戲局許對於梨園子弟最爲注意故值年必廣集名伶以娛之最可異者杯盤未終每遇上燒烤時值年諸君子必須重整冠服在戲台正面與席棹交界處所憧憧往來躑躅恐後時而竊竊私語時而吩諭下人一若甚忙碌者究不知所行動者爲何事所私語者爲何因也妙哉又許方伯雖注重順直同鄉然宦場中捐納一班多以南人冒順天籍取其印結便宜減於他省也許遇冒順天籍者必問其原籍何處若實告以南省籍則神色頓爲之不怡有某大令於許問原籍後對曰奉天又問由何處入奉天籍對曰哈爾濱許始無詞蓋連答以原籍兩處皆係北省仍未免

談叢

談 畫

二

爲鄉人也

支斯刺利之政界思想

英國支斯刺利夙有參入政界之志屢爭選舉欲運動爲衆議院議員五次失敗而其始念終不輟時總理大臣米爾荷爾公爵當宴會時問之曰君何堅欲入參議院而自苦若是支斯刺利答之曰無他欲爲大不列顛之內閣總理大臣耳舉座爲之粲然愚謂欲由議員以置身政界志趣一何卑陋然此人究未中選足見英國選舉法之良善矣

新紀元星期報廣告價目表

| 特等底頁外面及封面內面論說前爲上等餘均普通 | 普通   |       | 上等    | 特等    | 等第地位 | 期   |
|-----------------------|------|-------|-------|-------|------|-----|
|                       | 每行   | 半面    | 一面    | 一面    |      |     |
|                       | 五角   | 十二元   | 二十元   | 四十元   | 一期   | 四期  |
|                       | 一元五角 | 三十六元  | 七十元   | 一百四十元 | 一期   | 十三期 |
|                       | 五元   | 一百二十元 | 二百二十元 | 三百六十元 | 一期   | 半年  |
|                       | 八元   | 二百元   | 三百八十元 | 六百五十元 | 一期   | 全年  |
|                       | 十四元  | 三百六十元 | 六百四十元 | 一千一百元 | 一期   | 全年  |

◎本報價目表

|    |      |    |      |      |      |      |
|----|------|----|------|------|------|------|
| 一册 | 四册   | 册  | 十三册  | 半年   | 全年   | 全年   |
| 六分 | 二角二分 | 七角 | 一元二角 | 二元二角 | 二元二角 | 二元二角 |

◎郵費不要

中華民國元年九月廿二日付印  
 中華民國元年九月廿五日出版  
 編輯人 永川黃大遷  
 發行所 新紀元星期報館  
 印刷所 北京法輪印字局

# 新紀元報廣告

本報出版至今不過半載而聲譽幾遍全國實因

本報持論公平不挾私見每遇重大問題皆能獨

持特見不因勢力為轉移不畏強禦不避危險允

足稱不負代表輿論之天職誠北方唯一之日報

各界同胞欲知世界潮流及我國大勢者不可不

閱新紀元報同人等為灌輸國民常識起見特將

報價格外核減列表於後如蒙定閱請將地址詳

細開示自當逐號寄呈

## 新紀元報價目單

|    |      |
|----|------|
| 一月 | 三角   |
| 三月 | 一元   |
| 半年 | 三元八角 |
| 全年 | 七元二角 |

以上均連郵費在內報資以郵局匯票為主如郵政不通匯兌之處得以一二分之郵票代價但須照加一成報資先匯空函定閱恕不作覆